



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Խմբագրական

Վաղուց արդեն փոխվել է ստատուս քվոն

Արդեն 4 ամիս է, որ տարբեր մակարդակներում յուրաքանչյուր վերլուծաբան, հոդվածագիր, քաղաքական գործիչ եւ, ինչու չէ, ապագան վերլուծող տաքսիստ ու «բեսեդկում» ստատո թաղի տղա քաղաքական վերլուծությունը սկսում է «ապրիլյան քառօրյա պատերազմից հետո» նախադասությամբ:

Նշանակում է, որ 2016 թվականի ապրիլից մեր հավաքական մտածողությունը անկյունաքարային շրջադարձի է ենթարկվել: Այն տեղի է ունեցել՝ անկախ մեր կամքից, անկախ նրանից, դա մեզ հարմար է, թե ոչ: Բոլորի միտքը այլևս այլ հորիզոնից է նայում իրականությանը: Փոխվել է համայնապատկերը, իսկ այդ համայնապատկերում նոր երեւոյթներ են նշմարվել, որոնց մասին թերեւս հինգ ամիս առաջ ոչ գիտեինք, ոչ մտածում էինք, կամ էլ՝ փակ թեմաներ էին:

Այս բոլորը անժխտելի իրականություն է, որն այլ կերպ ասած «ստատուս քվոյի» փոփոխություն է: Իսկ այս փոփոխված ստատուս քվոն շատ ավելի խորքային էր, քան սահմանների կամ ռազմական հնարավորությունների եւ կարողությունների հավասարակշռությունը: Այլևս նախկին կյանքով ապրելը փոփոխել ո'չ հնարավոր է, ո'չ թույլատրելի եւ ո'չ էլ ընդունելի:

Այն մարդիկ, ովքեր 25 տարի առաջ տեսել են պատերազմը, ապրիլին վերապրեցին պատերազմը եւ ականատեսը եղան, որ նոր սերունդը, այն տղաները, որոնք միայն լսել էին պատերազմի մասին, ոչ մի բանով պակաս չեն իրենց նախորդ սերնդից, եւ ինչպես այն սերունդը փոխեց, հիմա էլ այս երիտասարդներն են փոխել ստատուս քվոն եւ պատրաստ են ավելին անելու:

Երիտասարդներին համարում էին գալիք սերունդ, որոնց պետք է վստահե՛նք մեր ապագան, Հայրենիքի ապագան, սակայն այդ ապագան շատ շուտ վրա հասավ, դարձավ ներկա: Դիրք բարձրացած, արյուն տեսած, թուրքին կրակած երիտասարդը այսօր հայտ է ներկայացրել դեկավարելու, կերտելու ոչ միայն ապագան, այլ պարտադրելու նոր կյանքի օրենքներ: Այդ հայտը լուրջ է:

Կյանքի ստատուս քվոն, քաղաքական ստատուս քվոն, ինչպես նաեւ մտածողության ստատուս քվոն փոխվել է, եւ նախանձելի չէ այն մարդկանց վիճակը, ովքեր չեն գգում այդ փոփոխությունը եւ շարունակում են ցանկանալ վերադառնալ իրենց «բնակարան» կյանքին:

Նոր սերնդի հայտը շատ լուրջ եւ ծանրակշիռ կերպով հնչեց հայկական համարյա բոլոր ՉԼՍ-երով, այն 18-20 տարեկան տղաների միջոցով, որոնք ժպիտը դեմքերին եւ թախիծը աչքերում պատմում էին «անպատմելին»: Այդ վկայությունները թող դառնան հայկական դիվանագիտության քաղաքագիտության ամբիոնների գլխավոր դասագիրքը:

Արցախի կարգավիճակի մասին կարծիք հայտնող յուրաքանչյուր քաղաքական գործիչ առավել եւս միջազգային հարթակներում հանդես եկող, բանակցող անհատ թող իր ականջին օղ անի Արցախի նորոյա հերոս Ռոբերտ Աբաջանի խոսքերը. «Մենք այս դիրքը արյունով պահեցինք, ով հանձնի այն, ես նրա...»:



Երկիրը պե՛տք է խոսի

Հայոց բազմադարյա պատմության կերտած բազում մեծերի մեջ ամենամեծերից մեկն է Արամ Մանուկյանը: Քիչ չեն ազատագրական նոր պայքարի եւ հայոց պետականության վերականգնման բովում հերոսացածները, բայց նրանց բոլորի թվում առանձնահատուկ է Արամը՝ որպես նոր պետականության հիմնադրի կերպարը առավել չափով մարմնավորող գործիչ, սակայն այսօր նրա տունն անմխիթար վիճակում է:

1917-1918 թվականներին Արամ Մանուկյանը բնակվել է ներկայիս Երեւան քաղաքի Արամի 9 հասցեում գտնվող տանը: Տունը ոչ միայն ճարտարապետական կարեւորության շենք է, այլ պատմական նշանակություն ունի, իսկ ՀՀ Սահմանադրության համաձայն՝ Հայաստանի պատմական եւ մշակութային հուշակոթողները գտնվում են պետության հովանու ներքո: Այսօր, ըստ համապատասխան որոշման, հանրապետության հիմնադիր ան-

ձանցից մեկի տունը կքանդվի, որպեսզի նրա տակ կառուցվի ստորգետնյա ավտոկայանատեղի:

ՀՀ անդամ, Ամերիկայի Հայ Դատի հանձնախմբի անդամ, Westinghous եւ Siemens միջազգային ընկերությունների Պետական ֆինանսների նախկին տնօրեն Կարո Արմենյանը այս առիթով գրել է.

Արամ Մանուկյանի տունը, որ Առաջին Հանրապետության բացառիկ հիշատակարանն է, կրկին վտանգի տակ է: Այն հանձնված է բախտախնդիրների քմահաճույքին: Այն լքված է պետության կողմից: Այն անարգված է ժողովրդի կողմից: Այն կեցած է առանձին անժառանգ մարդկանց անշնորհքության դիմաց:

Տարիներ ի վեր ահագանգ ենք հնչեցնում, որ մեր անկախ պետականության վկաները հանդիսացող եւ դեռ կանգուն մնացած այս վերջին կառույցները կարիք ունեն մեր հավաքական նախանձախնդրության:

Ձայն բարբառո հանապատի՛:

Արդյո՞ք մեր պատմական ժառանգության նախանձախնդիր մարդ չի մնացել մեր երկրի մայրաքաղաքում:

Արդյո՞ք հասել ենք այն կետին, որ այլևս դադարել են գործել երբեմնի մեր ամենազգայուն, ամենակենսական բնագոյները: Ողջո՛ւյն այն անձանց, ովքեր ելել են ոտքի՝ ետ շրջելու այս ամոթալի իրավիճակը: Պատի՛վ իրենց: Բայց նաեւ, ընկերներ՛ր, վաղու՛ց անցել է ստորագրահավաքների ժամանակը: Մեր կյանքի ճգնաժամերը չի կարելի ստորագրահավաքներով դիմագրավել:

Բոլոր նախընթաց միջոցառումները պետք է համոզեն մեզ, որ «Հին Երեւան» ծրագրի տերերը շատ ավելի թունդ հորդորի կարիք ունեն այս ուշ ժամին, որպեսզի սկսեն գնահատել պատգամի լրջությունը: Երկիրը պետք է խոսի: Պատգամը պետք է հնչի հստակ եւ վերջնական: Ե՛լ՝ հիմա՛:

Արցախյան հիմնախնդրի հանգուցալուծման բանալին գտնվում է միմիայն Արցախում



ԼՂ հիմնախնդրի լուծման բանալին Արցախում է, բանալու տերն էլ Արցախի ժողովուրդն է: Հարցազրույց ՀՀ Կենտրոնական կոմիտեի ներկայացուցիչ, ԼՂՀ ԱԾ պատգամավոր Դավիթ Իշխանյանի հետ:

Կարդացեք 2-րդ էջում

Բանակցային գործընթացում Հայաստանի վրա ճնշում կա



Միջազգային ճգնաժամային խումբը գեկույց է հրապարակել, որում անդրադարձել է ապրիլի 2-5-ը ԼՂ հակամարտության գոտում ծավալված մարտերին: Չեկույցի հեղինակները նշում են, որ....

Կարդացեք 3-րդ էջում

Արցախյան հիմնախնդրի հանգուցալուծման բանալին գտնվում է միմիայն Արցախում

ԼՂ հիմնախնդրի լուծման բանալին Արցախում է, բանալու տերն էլ Արցախի ժողովուրդն է

Հարցազրույց ՀՀ Արցախի Կենտրոնական կոմիտեի ներկայացուցիչ, ԼՂ ԱԾ պատգամավոր Ղազիթ Իշխանյանի հետ:

- Ղարաբաղյան հիմնախնդիրը կրկին գերտերությունների ուշադրության կիզակետում է: Այն դարձել է տարբեր հարթակներում ակտիվ քննարկվող հարցերից մեկը, նախօրեին ՀԱԳԿ ԱԳՆԵ նիստում ընդունվեց ԼՂ հիմնախնդրի կարգավորման վերաբերյալ հայտարարություն: ԵԱՀԿ ԽՎ նստաշրջանի հռչակագրում եւս անդրադարձ կար հակամարտությանը: Արցախում ինչպե՞ս են գնահատում այս ակտիվացումը:

- Սրանում որեւէ արտառոց բան չպետք է փնտրել, կարծում եմ՝ ամեն ինչ գնում է իր տրամաբանական ընթացքով: Ապրիլյան դեպքերը լուրջ ահազանգ էին թե միջազգային կառույցների, թե համանախագահող երկրների համար: Խնդրով շահագրգիռ բոլոր օղակներն այդ ցնցումից այսօր շարժվել են, ու, բանականաբար, նաեւ նշված կազմակերպությունների միջոցով պետք է արտահայտեն ապրիլյան գործողությունների հանդեպ իրենց վերաբերմունքը, որպեսզի նաեւ ի գործու լինեն ապագայում կանխարգելիչ քայլեր ձեռնարկել:

Առկա է նաեւ հետեւյալ փոփոխությունը. եթե անցած տասնամյակներին ԼՂ հարցի շուրջ ԱՄՆ-ն, Ֆրանսիան, ՌԴ-ն՝ որպես համանախագահող երկրներ, կարողացել են գտնել ընդհանուր եզրեր, ապա կարծես թե ապրիլյան ռազմական գործողությունները երեւան հանեցին որոշակի տարածաշրջաններ, մոտեցումների ու սկզբունքների հակասականություններ: Իսկ ձեռնարկած հայտարարությունների բովանդակության մեջ ակնհայտորեն ուրվագծվում է Արեւմուտքի ու Ռուսաստանի միջեւ առկա որոշ տարակարծությունների համայնապատկերը: Այն, մասնավորաբար, նկատելի է երկու կարեւոր՝ հետաքննական մեխանիզմների տեղակայման եւ ԵԱՀԿ գործող գրասենյակի ընդլայնման հարցերում: Բայց կա մի կարեւոր հանգամանք, որին մենք պետք է անպայմանորեն անդրադառնանք. այդ ամենի մեջ ոչ մի խոսք չկա ԼՂ ներգրավվածության մասին: Եթե ապրիլյան օրերին ՌԴ վարչապետի, նաեւ համանախագահների մակարդակով որոշակի ակնարկներ եղան բանակցային գործընթացին Ղարաբաղյան կողմի ներգրավվածության մասին, ապա այսօր այդ մասին չեն խոսում: Գերմանիայի ԱԳ նախարարի ու համանախագահների հետ ԼՂ նախագահի վերջին հանդիպման ժամանակ Բակո Սահակյանը հստակ հնչեցրեց այդ խնդիրը: Դա կարեւոր ազդակ էր, որ ԼՂ հարցի հանգուցալուծումն առանց ԼՂ ներգրավվածության չի կարող լինել լիարժեք, չի կարող մեզ համար լինել ընդունելի:

- Համանախագահները հաճախ են

ասել՝ ինչ-որ փուլում Ղարաբաղը կմասնակցի բանակցային գործընթացին, իսկ թե խոսքն ի՞նչ փուլի մասին է՝ մնում է անորոշ:

- «Ինչ-որ փուլ» ասվածը տարբեր կողմերի համար տարբեր ընկալում ունի: Թե ի՞նչ են հասկանում համանախագահները «ինչ-որ փուլ» ասելով, իրոք անհայտ է, ես դա համարում եմ «փակված փակագիծ»: Բայց հայկական կողմի համար շատ պարզորոշ է՝ բոլոր փուլերում պետք է լինի Ղարաբաղյան կողմի ներգրավվածությունը, բոլոր փուլերում ԼՂ-ն պետք է ունենա իր ուղղակի դերակատարությունը: Այսօր Ղարաբաղն ունի անուղղակի դերակատարություն, եւ սրա ազդակն այն է, որ համանախագահողները չեն կարող հաշվի չնստել Ղարաբաղյան գործոնի ու մոտեցումների հետ:

- Հայաստանում կա մտավախություն, որ ԼՂ հակամարտության կարգավորման գործընթացում Ռուսաստանը փորձում է իր ձեռքը վերցնել մենաշնորհ՝ փակուղի մղելով Վիեննայում ձեռք բերված պայմանավորվածությունները: Ի՞նչ կարծիք կա Արցախում:



- Նախ՝ կուզեմ ասել հետեւյալը. մենք չպետք է քամահրանքով վերաբերվենք մեր պատմության դասերին, հակառակը, մեր պետական, քաղաքական գործիչներն այդ դասերը պետք է լրջորեն ուսումնասիրեն, սերտեն ու հաշվի առնեն: Մենք չպետք է կորցնենք մեր գոնությունը ոչ միայն ռուսական կողմի վարվող քաղաքականության հանդեպ, այլ բոլոր կողմերի: Ինքներս պետք է մեզ հարգենք, թերահավատությամբ չվերաբերվենք սեփական ուժերին ու գնահատենք այն: Աշխարհի օրենքն է՝ օտարը, արտաքին ուժերը փորձելու են իրենց գերիշխանությունը հաստատել եւ իրավիճակը վերցնել իրենց ձեռքը: Մենք պետք է փորձենք մեր խաղը խաղալ ու իրենց մեծ խաղում նաեւ մեր քայլերը թելադրել: Սա է կարեւորը:

Այսօր հաճախ ենք տեսնում, որ համանախագահող երկրներից որեւէ մեկը փորձում է նախաձեռնությունն իր ձեռքը վերցնել, ցույց տալ, թե հիմնահարցի լուծման ամբողջական բանալին, փաթեթը հենց իր ձեռքում է: Անցյալում նման դիրքորոշում են ունեցել Ֆրանսիան, ԱՄՆ-ն: Իսկ այսօր այդպիսին է Ռուսաստանի կեցվածքը: Բայց նրանք բոլորը մոռանում են մի շատ կարեւոր հանգամանք. հիմնախնդրի հանգուցալուծման բանալին գտնվում է միմիայն

Արցախում եւ բանալու տերը Արցախի ժողովուրդն է: Մնում է, որ այդ բանալին ճիշտ օգտագործվի, որպեսզի փակակնը բացվի ճիշտ ժամանակին ու ճիշտ տեղում՝ արցախցու ձեռքով:

- Ավելի հաճախակի են դարձել խոսակցությունները բանակցությունների ձեռնարկի փոփոխության մասին: Օրերս էլ հարցը բարձրացվել է ԵԱՀԿ ԽՎ-ի նստաշրջանում՝ Շվեդիայի պատվիրակության ղեկավարի կողմից՝ որպես Հայաստանի եւ Ադրբեջանի միջեւ բանակցությունները ակտիվացնելու նպատակով արվող քայլ: Ավելի վաղ Ադրբեջանն էր այդ միտքը շրջանառել՝ իհարկե, ներկայացնելով սեփական պատկերացումները: Իսկ ի՞նչ է անում հայկական կողմը:

- Բանակցային ձեռնարկի փոփոխման հայտ, այդ, նախ ներկայացրեց Ադրբեջանը: Որպես ապրիլյան գործողությունների դրական արդյունք, Ադրբեջանն ուզում էր տեսնել փոփոխված ձեռնարկ: Իսկ ադրբեջանական տարբերակով՝ դա Ղարաբաղը որպես կողմ ամբողջապես դուրս մղելն է: Բայց դա նրան չհաջողվեց: Մենք այն համոզման

ենք, որ ձեռնարկի փոփոխությունը չի կարող գործընթացում եական փոփոխության հանգեցնել, քանի դեռ Ղարաբաղը ընդգրկված չէ բանակցություններում: Մեզ համար կարեւորն այն է, որ մոտեցումների ձեռնարկի մեջ լինի ռազմավարական եական փոփոխություն, ինչը մենք այսօր չենք տեսնում: Դառնալով հարցին՝ ի՞նչ է անում հայկական կողմը, ես առիթ եմ ունեցել խոսելու հայկական դիվանագիտության կողմից վարվող ոչ բավարար քաղաքականության մասին՝ ներկայացնելով արտաքին գերատեսչության խղճով վիճակը, նրա ոչ արդյունավետ քայլերը: Մենք պետք է մեր հիմնական շեշտադրումներն այդ գերատեսչության միջոցով արմատավորենք: Մենք կարող ենք հասնել հաջողության, եթե հայկական դիվանագիտական կորպուսը գործի՝ որպես մեկ միասնական ճակատ: Ցավոք, միշտ չէ, որ մեր արտաքին գերատեսչությունը կարողանում է իր շուրջը համախմբել հայության ներուժը՝ սփյուռքյան լրբքին, Հայ Դատի գրասենյակները, հայկական կազմակերպությունները:

- Ապրիլյան դեպքերից հետո Հայաստանի ու Ադրբեջանի նախագահների հանդիպում տեղի ունեցավ նախ Վիեննայում՝ ԱՄՆ-ի, ապա Սանկտ-Պետեր-

բուրգում՝ Ռուսաստանի հովանու ներքո: Սպասվող փարիզյան հանդիպումը համարենք երրորդ համանախագահող երկրի հերթական նախաձեռնություն, թե՞՞ ավելի լուրջ սպասելիքներ ունենանք:

- Յուրաքանչյուրն իր շահն է հետապնդում, փորձում իր դերակատարությունը բարձրացնել: Այդ առումով՝ ես լուրջ ակնկալիքներ, սպասելիքներ չունեմ Փարիզի հանդիպումից, ինչպես նաեւ՝ ապագա հանդիպումներից: Այդ հանդիպումներում կա մեկ դրական կողմ՝ դրանք կարող են դառնալ բանակցային գործընթացի վերսկսման հիմք:

Բայց պետք է նաեւ գիտակցենք, որ այդ հանդիպումների ընթացքում աստիճանաբար փորձում են սեղմել մեր շուրջն ստեղծված օղակը: Մենք պետք է կարողանանք դիմակայել այդ ճնշմանը, չպետք է այնքան թուլանանք, որ այդ օղակը մեզ խեղդամահ անի՝ հասցնելով կրիտիկական իրավիճակի:

- Կազանյան փաստաթուղթն այդ սեղմող օղակներից մեկը չէ՞, որ այսօր փորձ է արվում բերել բանակցությունների սեղան:

- Ես պետք է ասեմ, որ այսօր առկա բոլոր փաստաթղթերը, սկզբունքները մեկը մյուսի շարունակությունն են, մեկը մյուսից ոչնչով չեն տարբերվում: Ե՛վ Զիվեստյան, Ե՛ւ Մադրիդյան, Ե՛ւ Կազանյան սկզբունքներն ու փաստաթղթերը Ղարաբաղյան կողմի համար անընդունելի են:

Երբեմն համանախագահողները մեզ ասում են՝ պատրա՞ստ է հայկական կողմը գնալ այս կամ այն քայլին: Ես էլ ուզում եմ հասկանալ, իսկ պատրա՞ստ են համանախագահողները անել քայլեր, որոնք կբխեն ԼՂ-ի ու մեր ժողովրդի իրական շահերից: Իսկ այդ շահերը մենք շարադրել ենք 1990-ի սկզբից՝ 91-ի անկախության հանրաքվեով, 2006-ին մեր ընդունած Սահմանադրությամբ, ուր հստակ ուրվագծվում է մեր քաղաքական գիծը: Իսկ ապրիլյան իրադարձությունները մեր ժողովրդի մեջ ավելի արմատավորեցին, ավելի խորացրին մեր հողին ամուր կառչած մնալու գաղափարը:

- Ի՞նչ եք կարծում՝ այս բոլոր հանդիպումների, տարբեր հարթակներում տարվող ակտիվ դիվանագիտական աշխատանքի արդյունքը կլինի՞ կայուն իրադարձարի հաստատումը:

- Բիսմարկյան արտահատությամբ պատասխանեմ՝ պատերազմը դա քաղաքականության շարունակություն է՝ ռազմական բնույթ ստացած: Այսինքն, մեկը մյուսով փոխկապակցված են, ու, եթե դիվանագիտական ասպարեզում կա որոշակի փակուղի, բնականաբար այն տանում է դեպի պատերազմ:

Մենք պետք է օգտագործենք մեր բոլոր դիվանագիտական հնարավորությունները, կարողանանք կառչել քաղաքական ասպարեզում չերեւացող թելերին ու հասնենք կայունության, խաղաղության հաստատման: Հայ գինվորն իր գործն արեց ապրիլյան օրերին, ինչը մեր դիվանագիտության համար լուրջ ազդակ է, խթան: Հիմա եկել է այն ճիշտ օգտագործելու պահը:

Արմինե ՍԻՄՈՆՅԱՆ

ՀՀ նախագահ. Ստատուս քվոն կփոխվի, եթե ճանաչվի ԼՂ ժողովրդի ինքնորոշման իրավունքի իրացումը



Ստատուս քվոն կփոխվի, եթե ճանաչվի Լեռնային Ղարաբաղի ժողովրդի ինքնորոշման իրավունքի իրացումը: Այս մասին հայտարարել է նախագահ Սերժ Սարգսյանը՝ ելույթ ունենալով Վարշավայում՝ Աֆղանստանում «Հաստատակամ աջակցություն» առաքելության՝ ՆԱՏՕ-ի անդամ եւ ոչ անդամ պետությունների եւ կառավարությունների ղեկավարների ձեռնարկում հանդիպմանը, որն անցկացվում է Հյուսիսատլանտյան դաշինքի գագաթնաժողովի շրջանակներում:

«Հայաստանը խաղաղության եւ անվտանգության ակտիվ ջատագով է նաեւ մեր տարածաշրջանում, եւ մշտապես հանդես է եկել մեզ համար խիստ

կարեւոր՝ Լեռնային Ղարաբաղի հիմնախնդրի խաղաղ կարգավորման դիրքերից: Սույն թվականի մայիսի 16-ին Վիեննայում ԵԱՀԿ Մինսկի խմբի համանախագահող երկրների բարձր ներկայացուցիչների՝ ԱՄՆ-ի պետքարտուղարի, Ռուսաստանի արտաքին գործերի նախարարի եւ Ֆրանսիայի Եվրոպական հարցերով պետքարտուղարի մասնակցությամբ հանդիպման արդյունքում համատեղ հայտարարությամբ վերահաստատվեց, որ հիմնախնդիրը չի կարող ռազմական լուծում ունենալ, եւ ընդգծվեց 1994 թվականի հրադադարի եւ 1995 թվականի հրադադարի ռեժիմի ամրապնդման մասին անժամկետ համաձայնագրերի հարգման կարեւորությունը», - ասել է նախագահը:

Նախագահը նշել է, որ հայտարարության մեջ ամրագրվեց ԵԱՀԿ-ի կողմից շփման գծում հրադադարի խախտումներն արձանագրող հետաքննության մեխանիզմի ներդրումը, ԵԱՀԿ գործող նախագահի անձնակազմի ներկայացուցչի կարողությունների ընդլայնումը: Այս մոտեցումն ամրապնդվեց նաեւ Սանկտ Պետերբուրգում կայացած Հայաստանի, Ռուսաստանի եւ Ադրբեջանի նախագահների եռակողմ հանդիպման արդյունքում ընդունված հայտարարության մեջ:

«Ինչ վերաբերում է Ադրբեջանի նա-

խագահի հնչեցրած մեղադրանքներին, տեղին չէմ համարում մեր այս հանդիպումը, ինչպես նաեւ ՆԱՏՕ-ի հռչակագրերը արհեստականորեն Լեռնային Ղարաբաղի խնդրի քննարկման հարթակ դարձնել: դրա համար կա մասնագիտացված կառույց: Պարզապես պարտքս եմ համարում հատուկ ընդգծել, որ այսօր հակամարտության խաղաղ կարգավորման գլխավոր խոչընդոտը Ադրբեջանի բարձր ղեկավարության վարած քաղաքականությունն է եւ հարցը խաղաղ ճանապարհով լուծելու կամքի բացակայությունը: Դրա վառ ապացույցն էր Ադրբեջանի կողմից ընթացիկ տարվա ապրիլին Լեռնային Ղարաբաղի հանդեպ սանձազերծած լայնածավալ ագրեսիան, ինչը խոչոր հարված հասցրեց խաղաղ կարգավորմանն ուղղված ԵԱՀԿ Մինսկի խմբի համանախագահների կողմից իրականացվող ջանքերին: Ստատուս քվոն կփոխվի, եթե ճանաչվի Լեռնային Ղարաբաղի ժողովրդի ինքնորոշման իրավունքի իրացումը», - ասել է Սերժ Սարգսյանը՝ հայտնում է նախագահի մամուլի ծառայությունը:

Նախագահին իր ելույթում մասնավորապես նշել է, որ Հայաստանը, որպես համագործակցային անվտանգության ջատագով, հաստատակամ է՝ իր համետ ներդրումը բերելու միջազգային խաղաղության եւ անվտանգության ամ-

րապնդման ջանքերին: «2015 թվականի սեպտեմբերին Նյու Յորքում կայացած հաղաղության գագաթնաժողովի ժամանակ Հայաստանը լրացուցիչ հանձնառություններ ստանձնեց՝ նախապատրաստել երկրորդ աստիճանի դաշտային հոսպիտալ եւ ապահովել ինքնաշեն պայթուցիկ սարքերի վնասագերծման հատուկ վաշտի պատրաստակալությունը: Մենք վերահաստատել ենք մեր ներգրավումը մինչեւ 130 զինվորականներով «Հաստատակամ աջակցություն» առաքելության կազմում եւ պատրաստ ենք շարունակելու նաեւ 2016 թվականից հետո», - ասել է նա:

Նախագահը հատուկ ընդգծել է Գերմանիայի հետ ՀՀ արդյունավետ համագործակցությունը, որը ՆԱՏՕ-ի անդամ եւ գործընկեր երկրների փոխգործակցության լավագույն եւ ուսանելի օրինակներից է:

Սերժ Սարգսյանը հավելել է, որ Հայաստանը պատրաստակամություն է հայտնել նաեւ մասնակցելու ՆԱՏՕ-ի «Տեւական գործընկերություն» առաքելությանը, երբ այն փոխարինի «Հաստատակամ աջակցություն» առաքելությանը: Այդ նպատակով Հայաստանը ներգրավված է Աֆղանստանում ՆԱՏՕ-ի քաղաքացիական ժամանակավոր ներկայության պլանավորման գործընթացին:

Սեփ. ԼՐԱՏՎՈՒԹՅՈՒՆ

Բանակցային գործընթացում Հայաստանի վրա ճնշում կա



Միջազգային ճգնաժամային խումբը գեկույց է հրապարակել, որում անդրադարձել է ապրիլի 2-5-ը ԼՂ հակամար-

տության գոտում ծավալված մարտերին: Չեկույցի հեղինակները նշում են, որ Եսկալացիայի կրկնությունը կլինի ավելի կործանարար, մասնավորապես՝ կգործարկվեն մեծ հեռահարության «Երկիր-Երկիր» դասի հրթիռներ:

ՀՅԴ Բյուրոյի Հայ Դատի եւ քաղաքական հարցերի գրասենյակի պատասխանատու Կիրո Մանոյանը «Առաջին լրատվական»-ի հետ զրույցում այս կանխատեսումը բավական իրատեսական է համարում: «Իսկապես, ապրիլի սկզբի գործողությունները, պետք է ասել, որ ինչ-որ տեղ նաեւ սահմանափակ էին», - ասաց նա՝ հավելելով, որ Եսկալացիայի կրկնության դեպքում երաշխիք չկա, որ նման սահմանափակում կլինի:

Նրա խոսքով՝ քանի որ հետեւանքներն իսկապես անկանխատեսելի են ոչ միայն Հայաստանի եւ Ադրբեջանի, այլ նաեւ տարածաշրջանի համար, ուստի համանախագահող երկրները չեն ցանկանում, որ նման գործողություններ վերսկսվեն:

Անդրադառնալով Ֆրանսիայում կայանալիք Սարգսյան-Ալիեի հանդիպմանը՝ Կիրո Մանոյանն ասաց. «Կարծում եմ՝ բանակցային գործընթացում Հայաստանի վրա ճնշում կա, եւ դրա արձագանքներն են, որ մենք հաճախ լսում ենք, թե մեզ մոտ պետք է սկսել պատրաստել, այսպես կոչված, համապարփակ պայմանագիրը, որը եթե պատրաստեն՝ առանց հիմնական սկզբունք-

ների շուրջ համաձայնության գալու, ապա դա կլինի այս բանակցությունների տրամաբանության խախտում, ինչն անընդունելի է, եւ կնշանակի հարցի փուլային լուծում»:

Ինչ վերաբերում է հակամարտության գոտում խաղաղապահների տեղակայմանը, ապա ՀՅԴ Բյուրոյի Հայ Դատի եւ քաղաքական հարցերի գրասենյակի պատասխանատուն համարում է, որ մենք հույս չենք կարող դնել խաղաղապահների վրա. «Խաղաղապահները լավագույն դեպքում միայն կարող են ասել, թե որ կողմը խախտեց զինադադարը, դրանից ավել նրանք չեն արել որեւէ այլ վայրում»:

1in.am

ՀՅԴ-ն իր կապերն է ամրապնդում Եվրոխորհրդարանի Ընկերվարականների եվ ժողովրդավարականների խմբակցության հետ

Ստրասբուրգի Եվրոխորհրդարանի շենքում Հայ Յեղափոխական Դաշնակցության ու Եվրոխորհրդարանի Ընկերվարականների եւ ժողովրդավարականների խմբակցության միջեւ հուլիսի 6-ին կնքվել է համագործակցության համաձայնագիր: Համաձայնագիրը ստորագրել են Եվրոպական Նշյալ խմբակցության նախագահ Ջիաննի Փիթելլան եւ ՀՀ Ազգային ժողովի ՀՅԴ խմբակցության ղեկավար Արմեն Ռուստամյանը:

Համաձայնագրում, հաստատելով կողմերի միջեւ համագործակցության սկզբունքները, նշվում են նաեւ այն կատարելիք քայլերը, որոնց հիման վրա պետք է կառուցվի համագործակցությունը:

Համաձայնագրի կնքումից անմիջա-

պես հետո Ջիաննի Փիթելլան հայտարարել է. «Հայ Յեղափոխական Դաշնակցության հետ համագործակցության այս համաձայնագրի ստորագրումը հաստատում է, որ Ընկերվարականների եւ Ժողովրդավարականների խմբակցությունը լրջորեն է մոտենում Եվրոմիության հարեան երկրներում գործող քաղաքական քույր կուսակցության հետ սերտ կապեր հաստատելու արշավին: Կատախեմ, որ համագործակցության այս համաձայնությունը եւ այն իրողությունը, որ Հայ Յեղափոխական Դաշնակցությունը վերջերս իբրեւ դիտորդ մաս է կազմել Եվրոպական ընկերվարականների կուսակցությանը, պիտի ուժեղացնի մեր դիրքերը գալիք տարվա ընտրությունների ընթաց-

քում: Սակայն ավելի կարեւորն այն է, որ մենք այս միջոցով կարողանանք նպաստել Եվրոպայում ընկերվար-ժողովրդավար ընտանիքը հզորացնելուն, որպեսզի հնարավոր լինի պայքարել ազգայնամոլության ու ծայրահեղականության դեմ, որոնք թուլացնում են ժողովրդավարական կարգերը: «Ազատ, Անկախ, Միացյալ Հայաստան» ձեռնարկին խնդրում եմ ավելացրեք նաեւ Առաջադեմը»:

Նման հայտարարություն է արել նաեւ Ընկերվարականների եւ Ժողովրդավարականների խմբակցության փոխնախագահ եւ արտաքին հարաբերության պատասխանատու Զնուր Ֆլեքընշթայնը՝ շեշտելով Հայաստանում կաշառակերության եւ խտրականության դեմ պայքար-

րում Հայ Յեղափոխական Դաշնակցության դերակատարության կարեւորությունը հատկապես հիմա, երբ կուսակցությունը երկրի իշխանության մաս է կազմում:

ՀՀ Ազգային ժողովի ՀՅԴ խմբակցության ղեկավար, ՀՅԴ Բյուրոյի քաղաքական ներկայացուցիչ Արմեն Ռուստամյանը հաստատել է համաձայնագրի կարեւորությունը՝ մի կողմից որպես փորձառության փոխանակման միջոց, մյուս կողմից՝ որպես Եվրոպական եւ հայկական քաղաքական կուսակցությունների ճանապարհով հայ-երոպական հարաբերությունների սերտացման հնարավորություն:

ՀՅԴ ՄԱՍԼՈՂ ԴԻՎԱՆ

Լիարժեք հաղթանակ չի կարող լինել առանց Շահումյանի եվ Գետաշենի

«ժամանակի վկան» հայագիտական հաղորդաշարի հեղինակ Իրինա Բարսեղյան-Կրպեյանը գրուցեց 337 Բյուրոյի ներկայացուցիչ, 90-ական թվականներին 337 մարտական պատասխանատու Գրանտ Մարգարյանը, ով հաղորդման ժամանակ անդրադարձավ Հայաստանի Երրորդ Հանրապետության պատմությանը, 337 պաշտոնապես հաստատվելուն Հայաստանում, Դաշնակցական առաջին կամավորական ջոկատների կազմավորմանը, Լեռնային Ղարաբաղում, Գետաշենի ենթաշրջանում եւ Շահումյանի շրջանում ինքնապաշտպանության կազմակերպմանը եւ այլ մանրամասներին:

Հայաստան գալու որոշումը կայացրել էմ 1988 թվականի առաջին ցույցերի ժամանակ: Իմ մտադրության մասին հայտնեցի ժամանակի մեր կուսակցության ղեկավարությանը, եւ 1990 թվականի սկզբին տեղափոխվեցի Հայաստան՝ իբրեւ 337 Բյուրոյի գործիչ, բայց, միաժամանակ Ղարաբաղյան ազատամարտի մարտական գործի կազմակերպման պատասխանատվություն ունեի: Դաշնակցությունը նոր էր բացահայտվել Հայաստանում, 1990թ օգոստոսին, միաժամանակ՝ առաջին դեպքերը տեղի ունեցան Շահումյանում եւ Գետաշենում: Շահումյանի շրջանի ղեկավար որոշ անձինք դիմեցին մեզ՝ օգնության ակնկալիքով: Մենք արդեն սկսել էինք մեր կոմիտեների մակարդակով մարտական որոշ պատրաստվածություն կազմակերպելու, մարզումներ կատարելու աշխատանքները: Ձեռավորվում էին առաջին խմբերը, խմբավորումները: Առաջին խմբերը 1990թ. սեպտեմբեր 2-ին Հայաստանից մեկնեցին Շահումյան: Եթե չեմ սխալվում՝ շուրջ 40 հոգի, զինված՝ ուղղաթիռով իջան Շահումյանի անտառներում, եւ մեր առաջին հենարանը ստեղծվեց այնտեղ: Սկսեցինք Շահումյանի տղաներին մարզելու, մարզված խմբերին զինելու եւ ինքնապաշտպանությանը կազմակերպված բնույթ տալու գործը: Բայց, միաժամանակ, քաջ գիտակցում էինք, որ Շահումյանը պաշտպանելու համար մեզ անհրաժեշտ էր կազմակերպել նաեւ Գետաշենի եւ Մարտունաշենի պաշտպանությունը: Ցավոք սրտի, առաջին գոհերը, որ եղել էին Գետաշենում, շատ վատ անդրադարձ ունեցան, որի արդյունքում տեղի բնակչությունը մերժում էր որեւէ մարտական ուժի ներկայություն իր շրջանում: Դա լուրջ խնդիր էր: Թաթուլը մտավորական զինվոր էր, մտավորական ազատամարտիկ: Դիմում եմ՝ մենք զինված գնացինք Շահումյան: Թաթուլը նաեւ մի ճամպուրակ դասադրեցով ուղղվեց ղեկավար Գետաշեն: Եւ, ի գարմանս ինձ, շատ արագ գյուղում ընդունելի դարձավ, բնականաբար, դժվարությամբ, բայց դարձավ: Իբրեւ ուսուցիչ աշխատեց եւ միաժամանակ կարողացավ ձեռավորել առաջին խմբակները: Մենք ուրիշ ազատամարտիկների եւս ուղարկեցինք այնտեղ՝ իբրեւ ուսուցիչ օգնական: Դրանց թվում էին Արթուր Կարապետյանը, ով գոհվեց Գետաշենում, Արամ Պողոսյանը եւ Էլի երիտասարդ ուսանող տղաներ: Այդպես Գետաշենում ձեռավորվեց առաջին ինքնապաշտպանական խումբը: Առաջին գործը, որ մենք հաջողությամբ կատարեցինք, դա անթել կապն էր, ռադիոկապը կամ ռազման, որը մի կողմից հնարավորություն էր ստեղծում կապ հաստատել Գետաշենի եւ Երեւանի, մյուս կողմից՝ Գետաշենի եւ Շահումյանի միջեւ: Երկրորդ գործը, որ կատարեցինք, Գետաշենի մոտ գտնվող Մարտունաշեն ուղարկեցինք մի նոր խումբ՝ բաղկացած հիմնականում Արաբոյի ջոկատի տղաներից, Դեղի գլխավորությամբ: Դեղը կայացած մտավորական էր, տարիքով մեծ էր, բայց, հակառակ դրան, ուներ մարտական կեցվածք. մարտական էր իր ողջ Եւրոպայում: Գուցե կարճ ժամանակ էր սեպտեմբերից մինչեւ Գետաշենի անկումը, բայց հսկա-

յական գործ կատարվեց: Գյուղում կամաց կամաց անհետանում էր վախի մթնոլորտը եւ հակառակ տրամադրություններ գարգանում՝ նրանք զգում էին, որ պաշտպանված են եւ կարող են դիմադրել: Բնականաբար, մենք կարող էինք պաշտպանվել մեր նման ուժի հարաբերությամբ, այսինքն՝ ադրբեջանցիների ուղղությամբ էր այդ պաշտպանությունը: Իսկ երբ Գետաշենի անկումը տեղի ունեցավ, արդեն միայն ադրբեջանական ուժեր էին: Այնտեղ խորհրդային բանակն էր՝ իր ամբողջ ուժով, տեխնիկայով, հնարավորություններով, եւ կարծում եմ՝ դա էր, որ ձախողեց մեր ինքնապաշտպանության ծրագիրը: Մենք գիտեինք, որ պետությանը դերը չենք կարող ստանձնել: Մենք մեր առաքելությունը համարում էինք ժողովրդի ինքնապաշտպանության կազմակերպումը եւ Հայաստանի իշխանությանը պարտավորությունը: Դա էր մեր նպատակը, այլ ոչ թե Հայաստանի պետականությանը զուգահեռ այնտեղ ստեղծել նոր ուժի կենտրոն: Բայց այդպես էր ստացվում: Փաստ է, չէ՞, որ Ղարաբաղում բանակի կազմակերպումը ավելի արագ է տեղի ունեցել, քան Հայաստանում: Եւ այդ բանակի ակունքներում կանգնած էր Դաշնակցության մարտական ուժերի կառույցը: Ի տարբերություն մյուս առանձին ջոկատների, որ գալիս էին Ղարաբաղ ու վերադառնում էին, մենք ունեինք ընդհանուր ծրագիր: Մեկ ընդհանուր կազմակերպվածության մեջ էր դա դրսևորվում: Առանձին ջոկատի կատարած գործողություն չէր: Կար ինքնապաշտպանության ծրագիր, կազմակերպվածություն, քաղաքականություն՝ թե ինչը ումից եւ ինչպես պետք է պաշտպանենք, ինչն այդպես էր ուրիշ ջոկատների պարագայում: Նախ՝ Հայաստանի իշխանության մեջ բոլորը նույն ձեւ էին մտածում: Տարբեր էր մտածում Լեւոն Տեր-Պետրոսյանը, տարբեր էր հարցին վերաբերվում Վազգեն Սարգսյանը: Առաջին օրից մինչեւ վերջ Դաշնակցությունն ունեցել է համագործակցություն Վազգեն Սարգսյանի հետ: Այդ առումով մենք խնդիրներ չենք ունեցել, բայց ունեցել ենք լուրջ պրոբլեմներ Լեւոն Տեր-Պետրոսյանի հետ: 1990-ի սեպտեմբերին, երբ մեր առաջին խմբերը նոր էին ուղարկվել, Լեւոն Տեր-Պետրոսյանը դեռ Գերագույն խորհրդի նախագահ էր: Մի առիթով ինձ կանչեց եւ սասց, որ խմբերը պետք է հետ կանչել: Ասացի՝ ինչո՞ւ, սասց՝ դուք քաղաքական կուսակցություն եք, մարտական գործունեության իրավունք չունեք: Ասացի՝ Ֆրանսիայում էլ ունենք մարտական խումբ, հե՞տ կանչեց: Ասաց՝ ինձ չի հետաքրքրում, թե դուք Ֆրանսիայում ինչ ունեք, պատասխանեցի՝ իսկ ինչու է հետաքրքրում Ադրբեջանում ինչ ունեք: Եվ իրեն բացատրեցի, որ եթե վստահ է, որ վտանգ չի սպառնում ժողովրդի ֆիզիկական գոյությունը, թող հայտարարի, եւ մենք հետ կկանչենք, որովհետեւ մենք հիվանդ չենք, որ ծախս անենք, պատասխանատվություն վերցնենք, գործ անենք մի տեղ, որտեղ դրա անհրաժեշտությունը չկա: Իսկ եթե ժողովուրդը ֆիզիկապես վտանգված է, Աստված էլ իջնի, մենք այս ժողովրդի հանդեպ պատասխանատվություն ենք զգում եւ մեր պարտականությունը պետք է կատարենք: Իշխանության վերաբերմունքը միանշանակ եւ միաձեւ էր՝ մեկ, երկրորդ՝ Հայաստանի մեջ հետաքրքիր վիճակ էր: Մինչեւ օդանավակայան, եթե գեներալ հայտարարեին, մեզ կծերբակալեին: Սակայն օդանավակայանում կար մի այսպիսի ներքին հասկացողություն՝ գեներալ Ղարաբաղ թռնելու ազատություն ունեիր, բայց գեներալ Ղարաբաղից չէիր կարող վերադառնալ: Եվ մենք գեներալ չէինք վերադառնում, գեներալ թողնում, վերադառնում էինք: Բայց նաեւ պետք է ասել՝ կարող էին կանխել,

սակայն կանխելու դեպքում կայաթեր հայկական իրականությունը: Այդ ժամանակ հիմնական հարցը դա էր, այսինքն՝ եթե անգամ ուզեին կանխել, չպետք է կարողանային, որովհետեւ պահանջը մեծ էր, պահանջը կենսական էր, այնտեղ իսկապես վտանգ կար, իսկապես գյուղերը վտանգված էին: Ես համոզված եմ՝ եթե Թաթուլը չլիներ եւ Գետաշենում կազմակերպված գործը չլիներ, Գետաշենը կընկներ 90 թվականի սեպտեմբերին: Սա իրողություն է: Գետաշենի անկումը պարզապես մի գյուղի անկում չէր: Երբ Գետաշենը ընկավ, ընկան Մարտունաշենը, Բուզլուխը, Մանաշիրը, Էրեքը, եւ վերջապես՝ ընկավ Շահումյանը, ադրբեջանցիները հասան մինչեւ Դրմբոն: Մենք ճիշտ ուղղությամբ էինք աշխատում, ցավոք սրտի՝ այդ ժամանակ մենակ մնացինք: Եւ սա տեւեց այնքան, մինչեւ Հայաստանի իշխանությունը պարտավորվեց գալ Ղարաբաղ եւ ստանձնել այդ ինքնապաշտպանական գործը՝ թեպետ արդեն ուշացած էր: Իրենց էլ չհաջողվեց, նահանջը հասավ մինչեւ Դրմբոն: Բայց հետագայում ամեն բան ճիշտ եղավ: Թաթուլը ինքնավստահություն էր: Նրա քաջությունը, համոզումը, ինքնավստահությունը հանգստություն էր տալիս բոլորին: Ինքնավստահությունը նաեւ նրան տալիս էր հեղինակություն ունենալու իրավունք: Եվ այդ հեղինակությունն ու մտային կարողությունները իր համար կարեւորություն էին ստեղծում՝ դաստիարակելու: Այն տղերքը, որ գնում էին Թաթուլի մոտ, ամենախիտ, ամենադաժան պայմանների մեջ պետք է մարտական ծառայություն անցկացնեին, բայց վերադառնում էին հիացմունքով, Թաթուլի նկատմամբ պաշտամունքով լցված, վերադառնում էին ավելի հայրենասեր, գիտակից ու կարգապահ դարձած: Իր տեսակի առավելությունը դա էր: Ցանկացած կորուստ մեզ համար դաժան է, ցանկացած կորուստ մեզ համար ցավ է: Սակայն կան կորուստներ, որոնց համար դու իսկապես շատ մեծ ակոսսանք ես զգում, որովհետեւ այդ կերպով միայն առաջին ճակատում չէ, որ քեզ պետք է: Զեզ պետք է միշտ, ամենուր, պետական մակարդակի մեջ է պետք: Այդ տեսակը պետք է, որպեսզի մենք կարողանանք կազմակերպված, արդար հայրենիք ունենալ, ներքին հանգստություն ունենալ եւ կարողանանք զարգացում ապրել: Այդ պատճառով Թաթուլի կերպարի կորուստը մեզ համար կրկնակի, եռակի ցավ է: Թաթուլը, երբ վերջին անգամ Երեւան եկավ, մենք վիճեցինք իրար հետ: Ինքը կարծես թե նախագգում էր այդ օրերը եւ ինձինք պահանջում էր շատ ավելի մեծ ուժեր, հնարավորություններ, որ կարողանա ավելի կազմակերպված դարձնել ինքնապաշտպանությունը: Ապրիլի սկզբին մենք ունեցանք առաջին պարտիզանական, այսպես ասած՝ հայրուկային հարձակումները Խոջալույում, Լեւոնյում եւ Ղարադաղլույում: Մեր հնարավորությունները սուղ էին, չէինք կարող օգնել: Անկախ նրանից՝ ես ճիշտ եմ վարվել թե ոչ, Թաթուլի պահանջը իրական էր, կամ չափազանցված, դա ինձ մոտ խոր ցավ է առաջացրել, որովհետեւ ես չեմ կարողանում Թաթուլին հիշել՝ առանց այդ վերջին պահը հիշելու: Եվ դա դժվարացնում է ապրելը: Համենայնդեպ, մենք՝ իբրեւ Դաշնակցություն եւ, կարծում եմ, շատ շատերը եւս, համարում ենք, որ Շահումյանն ու Գետաշենը վերջնականապես չենք կորցրել: Մենք հավատում ենք, որ մի օր կվերադառնանք, կազատագրենք Գետաշենն ու Շահումյանը: Ես տեսել եմ իմ, եւ ոչ միայն իմ անմիջական շրջապատում, որ այդ հավատն ու տրամադրությունն ուժեղ է: Ամենաժանր օրերին, երբ մինչեւ Դրմբոն գրավված էր ադրբեջանցիների կողմից, Շահումյանի անտառներում մենք հայրուկային կոմի ծավալեցինք Շահեն Մեղրյա-

նի գլխավորությամբ: Դրանք հերոսական գործողություններ էին: Եթե այդ համարձակ քայլը, սիրանքը, որ երեւակայությունից դուրս էր, մենք կարողացանք անել, այսօր էլ կարող ենք: Ինչո՞ւ չենք անում՝ պատասխանը ե՛ւ գիտեմ, ե՛ւ չգիտեմ: Կարծում եմ՝ շատ բան ունենք պաշտպանելու եւ փրկելու: Գուցե ճիշտ չէ, որ ամեն ինչ միաժամանակ ուզենք: Վերջապես, ամեն պահանջ էլ պետք է ծրագրված հետապնդում ունենա, ապա թե ոչ՝ կարող է արկածախնդրության նմանվել եւ անարդյունք լինել: Մենք միշտ պահանջել ենք, որ երբ խոսք է լինում տարածքների մասին, չպետք է մոռանանք Շահումյանն ու Գետաշենը, Մարտակերտի դաշտային որոշ մասեր, որոնք դեռ ադրբեջանական բռնազավթման են ենթակա: Համենայնդեպ, բանակցությունների սեղանի շուրջ մանրամասնությամբ ինչ է տեղի ունենում՝ դժվար թե կարողանամ ասել, միայն ասեմ, որ թվում է, թե այդ բանակցությունները ձախողված են, ուրեմն ձախողված բանակցությունների համար կարիք չկա, որ մենք կոմի անենք, բայց Շահումյանի եւ Գետաշենի առաջին պահանջատերը շահումյանցիներն ու գետաշենցիները, եւ թույլ տվեք ասել՝ Դաշնակցությունն է: Նախ՝ մենք պետք է այնպես անենք, որ դա դառնա համահայկական պահանջ, որ դառնա նաեւ պետական պահանջ: Ես մի բան գիտեմ. քաղաքականության մեջ գիշտ եթե միակողմանի է եւ հեշտ է կատարվում, ոչ միայն չի կանխում դիմացինի ազդեցիկ, ոչ միայն խաղաղության պահանջ չի դառնում, այլ ինքնասպանության պատճառ է դառնում: Մենք ուրիշի հողը չենք ուզում, մենք ուրիշի իրավունքը չենք ուզում, ուրիշի հարստությունը չենք ուզում: Մենք մերն ենք ուզում, եւ կարծում եմ՝ ոչ ոք իրավունք չունի դա առետրի եւ զիջման առարկա դարձնել: Եվ վերջապես, ինչ դար հետո մենք փաստացի ունենք առաջին հաջողությունը: Այս առաջին հաջողությունը պետք է հաղթանակի վերածվի: Եվ այդ հաղթանակը պետք է լինի լիարժեք, իսկ այդ լիարժեք հաղթանակը չի կարող լինել առանց Շահումյանի եւ Գետաշենի: Միշտ էլ կարելի է անել շատ-շատ ավելի, քան արվում է: Մեր առաքելությունը հենց դրա մեջ է, որ ուրիշները փորձել են հնարավոր կարելի դարձնել, իսկ մենք հաճախ կարողացել ենք անկարելի կարելի դարձնել: Համենայնդեպ, այն, ինչ որ մեզ խանգարեց, ռուսական ֆակտորն էր, ռուսական բանակի դերակատարությունն էր, որ ստեղծեց ուժերի անհամապատասխանելի կշիռ: Դա էր, որ մեզ ստիպեց կորուստներ ունենալ: Եթե այդ չլիներ եւ եթե Հայաստանը լիներ ճիշտ ղեկավարված երկիր եւ ունենար արդեն կազմակերպված բանակ, ես հավատացած եմ՝ մենք այսօր կարող էինք Քուռ գետի մափին կանգնել: Բայց անխիտ եւ սրա մասին խոսելը, ավստո, որ մենակ էինք: Շատ-շատերը կային, ոչ դաշնակցականներ կային, որ Գետաշենի համար կռվեցին, զոհեր տվեցին, պատիվ եւ հարգանք իրենց, բայց իբրեւ կազմակերպված ուժ, ազգային ուժ, համագային կարողություն ունեցող ուժ՝ մենք մենակ էինք, եւ դա, կարծում եմ, վերջ ի վերջ իր հետեւանքն ունեցավ: Շահումյանի պարագայում էլ, երբ վտանգն արդեն կախված էր Շահումյանի գլխին, վերջին մեկ շաբաթը ես չեմ մոռանա: Եղանակը լավ չէր, մենք չէինք կարողանում Շահումյան գնալ, ուղղաթիռի հնարավորություն չկար: Երկու-երեք օր մեր տղերքը օդանավակայանում մնացին, չկարողացան թռչել: Որոշները դա վերագրում են ծրագրված խոչընդոտի. ես այդպես չեմ ուզում մտածել, ցավալի է, բայց Շահումյանի պարագայում առնվազն կարողացանք այդ հայրուկային կոմի կազմակերպել, որն մեզ տվեց այն վստահությունը, որը երբ ուզենք, կարող ենք ազատագրել մեր տարածքները:

Քյաբաբ ուտելու համար Արամի տունը մի՛ քանդեք

Քանդելու ամենավատն այն է, որ գալու է մի ժամանակ, երբ քանդելու բան էլ չի լինելու: Իսկ երբ քանդում են քաղաքը, վատն այն է, որ ժամանակ չի գալու. քանդված քաղաքում ի՞նչ ժամանակ, ո՞րն է համար, նրանց, ովքեր չգիտեն, թե ժամանակն ի՞նչն է: Գիտե՞ն, բա ինչո՞ւ են քանդում ժամանակը: Յա, ի՞նչ անենք, որ մենք այդ ժամանակներում չենք ապրել, կարելի է՞... Կարելի է, երբ քանդելու ժամանակներն են գալիս, ամեն բան կարելի է լինում, քանդելու ժամանակն էլ գիտե՞ք երբ է գալիս, գյաղաների ժամանակացույցը, երբ այն ավարտվում է գյաղաների հաղթանակով, որոնք այսուհետ իրենց զգում են քաղաքի տեր, ու քանի որ չգիտեն, թե քաղաքն ինչ է, քանդում են: Գիշերով, որ մարդ չտեսնի, կամ էլ՝ ինչո՞ւ գիշերով, ով կա՞, որ տեսնի, ջհանդամը, թե չեն տեսնի, սրանք ո՞վ են, արա՞, որ տեսնելուց հետո չթողեն, որ քանդեն, քանդեն ու քանդակեն, այնպես քանդակեն, որ քանդելու պես մի բան լինի, ամեն քանդակը քանդակագործության քանդելը լինի:

Քանդվեց Երեւանը, բայց մի՛ դժբախտացեք, իրականում Երեւանը չի քանդվել, այն պարզապես քանդվում է, դանդաղ, որ շատ չտխրեց, որ աստիճանաբար մոռանանք, կորցնենք: Արամի տունն էլ են քանդում, Արամն էլ սովորական Արամ չէ, օրինակ՝ Պետրոսյան, Արամը Մանուկյանն է: Եթե նրան չգի-

տեք, թուրք Վեյիբ փաշային հո գիտե՞ք: Յիշո՞ւմ եք՝ անցյալ տարի ոչ միայն հիշում էիք, այլև պահանջում էիք Վեյիբի թոռներ-ծոռներին: Այ այդ Վեյիբը լավ գիտեր Մանուկյանին: Չնայած ո՞րն ենք ասում, ինչո՞ւ ենք ասում, միեւնույն է, քանդելու են... Ե, բերեք պատմության գրքերն էլ քանդեք: Յա, ի՞նչ, հանենք այդ գրքերից Արամ Մանուկյանի անունը, չի եղել այդպիսի մարդ, այդպիսի ժամանակներ, Վանի ժողովուրդ, հերոսամարտ: Գրե՛ք Վեյիբ փաշան եկավ, կոտորեց, գնաց: Կոտորվել սիրում ենք, չէ՞, կոտորվել ու քանդել: Թե չէ, ի՞նչ է ստացվում, մեր երեխաներին սովորեցնում ենք, թե Արամ Մանուկյան ենք ունեցել, ով Երեւանում ապրում էր... բայց էլ չի ապրում, ոչ թե՛ որովհետեւ մահացել է, այլ քանի որ նրա տունը քանդել ենք, 1990-ից վթարային էր ճանաչվել, ու վերակառուցելու փոխարեն քանդել ենք: Սա ենք պատասխանելու մեր երեխայի այն հարցին, ով հայոց պատմության «Վանի հերոսամարտ» դասից գերագանց ստացած տուն վերադառնա ու մեզ խնդրի իրեն ցույց տալ Արամի տունը: Չկա այդ տունը, բալե՛ս, պապան քանդել է. պապան չի քանդել, բայց պապան ոչինչ չի արել, որ ջքանդեն, ուրեմն քանդողներից մեկն էլ պապան է:

Շատ բան քանդեցինք, այնքան շատ, որ պետք է հաջորդ քանդելիքը երկար ման գալ... Առաջարկում եմ արձանները,

սկզբում՝ ոչ հայերին, բայց հայ ժողովրդի բարեկամներին, օրինակ՝ Գրիբոյեդովի արձանը մեր ինչի՞ն է պետք: Յետո կանցնենք հայերին՝ սկսելով ամենահեռու հայից, ֆրեզկոյաբան Սարոյանից, իբր Կասկադի հարեւանությամբ՝ Կենտրոն տեղ կանգնել է, որ ի՞նչ անի, մանավանդ՝ երբ նրա սիրտը լեռներում է, ուրեմն բերեք արձանն էլ լեռներում դնեք, հեռու մի տեղ... Այս համատեքստում բերեք Յին Երեւանն էլ լեռներում կառուցեք, ի՞նչն է բոլ էս երկրում, լեռները՝ մեկը մյուսից բարձր: Տանեք ուրեմն Յին Երեւանը ու կառուցեք դրանցից մեկի գագաթին, անհաս մի տեղ, որ ոչ ոք չգնա, բայց ոչ թե հին Երեւանի շենքերն ամբողջական կառուցեք, այլ միայն դիմապատերը, դե, օրինակ, Արամի տան դիմապատը կառուցեք, վրան գրե՛ք՝ «Այս պատից այն կողմ մի ժամանակ տուն էր, որտեղ մի ժամանակ ապրել է Արամ Մանուկյանը»: Ու հիշեցնեք, որ Արամ Մանուկյանը նա էր, ով ապրել է թուրք Վեյիբ փաշայի ժամանակներում...

Ես ո՞ւր ենք գնում, ժողովուրդ, ընդ որում՝ մեքենայով, որ արագ հասնենք: Չէ, ես հասկանում եմ, որ քյաբաբ լավ բան է, որոշ տեղերում՝ անգամ համեղ ու իսկապես մսից, բայց կարելի՞ է ամեն օր քյաբաբ ուտել, մեքենան կանգնեցնել քյաբաբնոցի տակ գործող ստորգետնյա



ավտոկայանատեղիում ու բարձրակալ քաղաք՝ քյաբաբ ուտելու: Փաստորեն, կարելի է, համենայն դեպս, մեզ ասում են, որ կարելի է, բայց դա սարսափելի չէ, մենք համաձայն ենք, որ կարելի է, սա է սարսափելին: Կարելի է քյաբաբի սիրույն գոհել քաղաքը: Յամաձայն չե՞նք, անկեղծ ասած՝ ես էլ համաձայն չեմ, որ հավի քյաբաբն ավելի համով է, քան տավարինը, թեեւ վերջինս ավելի բարակ է սովորաբար լինում ու մի քանի տեղերում է, որ իսկապես տավարի մսից է լինում: Քյաբաբն էլ իսկական՝ տավարի մսով, քանդեցինք:

Հովիկ ԱՅՅԱՆ

Ակարկ. Ընդգծել բանակցային ռազմավարության առանցքային կետերը

Արցախյան հակամարտության բանակցային փուլերի թեւակոխումը զգալիորեն արագակալաբար ընթացքի մեջ է: Շատ կարճ ժամանակ է իրարից բաժանում Վիեննան ու Սանկտ Պետերբուրգը, եւ հիմա էլ, ըստ երեւույթին, շուտով Սանկտ Պետերբուրգն ու Փարիզը: Վերլուծաբանական գրականությունն անընդհատ խոսում է փոխգիշերների տարբերակների, անժամկետ հանրաքվեներ կազմակերպելու, ուժերի հեռացման, տարածքների կարգավիճակի, խաղաղապահ ուժերի տեղակայման եւ լուծման հնարավոր տարբերակների մասին: Անհասկանալիորեն հայկական մեկնաբանական դաշտը շատ հղում չի կատարում պաշտոնական Երեւանի եւ Ստեփանակերտի կողմից կատարված հայտարարություններին, ուր հիմնական առանցքային բաժին կա, որ բնութագրում է նաեւ ընդհանրապես հայկական կողմի բանակցային փոխհստիությունը:

Այո, փոխգիշերում է պայմանավորվում որեւէ հակամարտության լուծման հնարավորության իրականացումը: Մինչ այդ, սակայն, հատկապես ապրիլյան քառօրյաից հետո խիստ անհրաժեշտություն կա հետաքննական մշտադիտարկումներով երաշխավորելու 1994-ի հրադադարի պահպանումը: Ամբողջական հրադադարն է, որ մղիչ ուժ է բովանդակություն կարող է ապահովել, բանակցելու եւ քաղաքական կամք՝ դեպի լուծում առաջնորդելու: Եթե այս մեկը անմիջական եւ նախապայմանային հանդիպումների հանգրվան է, ապա բանակցություններին լիցք եւ բովանդակություն տալու, մանավանդ խաղաղության համաձայնագրի ուղղությամբ առաջնորդվելու համար ավելի քան անհրաժեշտ է ու պայմանական՝ Ստեփանակերտի վերադարձը բանակցային սեղան:

Թե՛ հրադադարը եւ թե՛ քաղաքական մեծ համաձայնության նշումը միջազգայնորեն ունեն 1994-ի եւ 1995-ի իրար ամբողջացող-լրացող փաստաթղթերի մեկ ամբողջություն, որոնց տակ, Երեւանին եւ Բաքվին առընթեր, կա Ստեփանակերտի ստորագրությունը:

Պարզ է բանակցային ռազմավարության տրամաբանությունը: Նախ երաշխիքներ ապահովել՝ գործադրելու համար Երեւան-Բաքու-Ստեփանակերտով



որոշված զինադադարը, ապա ձգտել քաղաքական մեծ համաձայնության՝ ճիշտ պահին Ստեփանակերտը վերադարձնելով բանակցային սեղան եւ այն մասնակից դարձնելով համաձայնագրի կնքմանը:

Այս երկու անշրջանցելի հանգրվանների վրայից թռչելով՝ հայկական լրագրական-վերլուծական դաշտը փութություն է ցույց տալիս՝ զիջումների տարբերակներ հրապարակայնացնելով՝ համոզելու ընթերցող լսարանին, թե ապրիլյան քառօրյա պատերազմից հետո հայկական կողմին պիտի պարտադրվեն միակողմանի զիջումներ:

Ստեփանակերտի իրավական մասնակցության ռազմավարական այս մոտեցումի իրողականությունը սկսել է շոշափել Բաքուն, որ Ստեփանակերտ հասկացողությանը փորձում է յուրահատուկ ընկալում ապահովել տալ միջազգային հանրությունը:

Ադրբեջանական ԱՊԱ լրատվական գործակալության հաղորդմամբ՝ Գերմանիայի արտաքին գործերի նախարար, ԵԱՀԿ գործող նախագահ Ֆրանկ Վալ-

չուրյամբ փորձելու է ճշտել հայ համայնքի կարծիքը:

«Մենք կձգտենք կազմակերպել նման հանդիպում», - ասել է նա:

Դժվար թե համոզի լիներ այն վարկածը, որ այս մեկը «Լեռնային Ղարաբաղի ադրբեջանական համայնք»-ի ղեկավարի նախաձեռնությունն է, որովհետեւ Ադրբեջանի արտաքին գործերի նախարարության պաշտոնական ներկայացուցիչ Յիքմեթ Յաջիեւը հայտարարել է, թե Շթայնմայեր-Սահակյան հանդիպումը կրել է «Ադրբեջանի Լեռնային Ղարաբաղի շրջանի հայ համայնքի հետ հանդիպման բնույթ»:

Յաջիեւը հայտարարել է, որ Բաքու այցելության շրջագծի մեջ ԵԱՀԿ գործող նախագահը պիտի հանդիպի «Լեռնային Ղարաբաղի ադրբեջանական համայնք»-ի ներկայացուցիչների հետ:

Շթայնմայերի այցելության ծրագրում ներառված է նաեւ ծանոթություն հարկադիր վերաբնակների համար կառուցված բնակատեղերի բնակիչների հետ:

1994-ի բանակցություններին, ըստ որոշ տեղեկությունների, ներկա է եղել նաեւ Լեռնային Ղարաբաղի ադրբեջանական համայնքի ներկայացուցիչը, որին սակայն չի տրվել փաստաթուղթը ստորագրելու իրավունք:

Թվում է, թե Բաքուն ըմբռնել է միջազգային ընտանիքի կողմից Ստեփանակերտը իբրեւ իրավական միավոր բանակցություններում ներառելու ուղղվածությունը: Յավելյալ պատճառ՝ որ հայկական վերլուծական միտքը միակողմանի զիջումների առաջ աշխատի միջազգային ընտանիքի եւ հայկական պաշտոնական կողմի մոտեցումների համատեղման վրա եւ մնայունորեն ընդգծված պահի մեր բանակցային ռազմավարության առանցքային կետերը:

aztagdaily.com

Քառորյա պատերազմի ամենատարեց զոհը

Քառորյա պատերազմի ժամանակ զոհված Հրանտ Ղարիբյանի ընտանիքը Արցախյան շարժման տարիներին մագապուրծ փախել էր արդրեջանական Միրբաշիբ թաղաքից: 19 տարի Ստեփանակերտ քաղաքում վարձով ապրելուց հետո, երբ արդեն հույս չկար, որ բնակարան կստանան, վերջնական հաստատվեցին Ղարիբյանների հայրական՝ Մատաղիս գյուղում:

Հրանտ Ղարիբյանի այրին՝ Ռայա Ղարիբյանը պատմում է, որ կյանքը կարծես արդեն ընթանում էր իր բնականոն հունով: Վերահաստատվել էին ամուսնու հայրական տանը՝ Մատաղիսում, մեծ տնային տնտեսություն էին վարում, տասնյակ ծառեր էր տնկել ամուսինը:

«Ես Միրբաշիբից եմ, ամուսինս Մատաղիսից է արմատներով, սակայն Արդրեջանում էր ապրում: 1988 թվականի Արցախյան շարժման ժամանակ նա արդրեջանցու հետ մեքենան փոխել է և եկել է Ստեփանակերտ. այստեղ էլ էր նա կամազ մակնիշի մեքենայի վարորդ աշխատում: Տղաներս եւ նա այստեղ՝ Ստեփանակերտում են գրանցված: 19 տարի սպասեցինք՝ տուն չկարողացանք ստանալ, եւ ետ տեղափոխվեցինք նրա հայրական գյուղ՝ Մատաղիս»:

Հրանտ եւ Ռայա Ղարիբյանները 3 զավակ՝ երկու տղա եւ մեկ աղջիկ ունեն: Ավագ որդին Ստեփանակերտում է բնակվում եւ, որպես բազմազավակ ընտանիքի հայր, երեք ամիս առաջ բնակարան ստացավ:

Փոքր որդին մոր հետ գյուղում էր ապրում. երկու զավակ էլ նա ունի:

«1992 թվականից ամուսինս զինծառայող էր: Պատերազմի ժամանակ տարբեր պաշտոններ է զբաղեցրել, իսկ պատերազմից հետո դուրս եկավ բանակից: Սա-



կայն, երբ վերադարձանք գյուղ, նորից աշխատանքի տեղավորվեց բանակում՝ որպես կամազի վարորդ: Ես էլ եմ բանակում աշխատել. վերջին մեկ տարում դուրս էի եկել բանակից եւ մեր տնտեսությամբ էի զբաղվում»,- ասում է տիկին Ռայան:

Ապրիլի 1-ի լույս 2-ի գիշերը սովորականի պես քնած էին, երբ լսեցին առաջին կրակոցները: Սկզբից ուշադրություն չդարձրին, քանի որ մատաղիսցիները սովոր էին կրակոցների ձայներին, սակայն

առավոտյան սկսվեց գյուղի հրետակոծությունը:

«Հանգիստ պառկած էինք. մտածում էինք՝ թերեւս դիրքերին են խփում, շուտով կլռեցվեն, սակայն առավոտյան 5:30 արկերը թափվեցին անմիջապես գյուղի վրա:

Մեկ արկ ընկավ մեր տան հետեւը: Վերկացանք, պատրաստվեցինք, հավաքեցինք առաջին անհրաժեշտության իրերը եւ փախանք: Ամուսինս էլ շտապեց աշխատանքի: Մինչեւ ժամը 12-ը երկու անգամ գնագեցինք: Առաջին անգամ ասաց՝ գնացի գորամաս, շուտով տուն կգնամ, տեսնեմ վիճակն ինչպես է, մյուս անգամ՝ երբ գնագեցինք, ասաց՝ դպրոցի նկուղում եմ, սակայն հետո՝ քանի անգամ երեխաներս գնագեցին, չպատասխանեց: Չնայած ի-

վանդանոցում գտնվող բարեկամիս տեսակցության: Երբ եկա, հարսս ասաց՝ չնայած հորդորեցին, որ քեզ չասես, սակայն տղաները գնացին գյուղ, քանի որ հայրիկից լուր չունեին: Չնայած, մինչեւ գիշերվա 12-ը սպասեցին, որից հետո ամուսնուս գլխատված մարմինը բերեցին»:

Որդու ընկերն ասաց, որ տեսել է, թե ինչպես է Հրանտը զինամթերք բեռնած Թալիշ բարձրանում: Իրենց սպաներից մեկի՝ Թորոյան Հայկի հետ էր: Ծանապարհին արդրեջանցիները դարանակալել էին ու երկուսին էլ գլխատել:

1990-ականներին, երբ Թալիշն ու Մատաղիսը հրետակոծվում էին, իրենց ընտանիքը վերջինը գյուղից դուրս եկավ: Այն ժամանակ էլ Հրանտը մնաց գյուղում եւ իրենց քաղաք ուղարկեց:

Հրանտը 68 տարեկան էր, բայց շարունակում էր ծառայել բանակում:

Բացի բանակի աշխատանքից, մեծ այգի ունեին, ուր զօրուգիշեր աշխատում էր Հրանտը: Մեծ տնտեսություն էին վարում. շատ էր սիրում հայրենի գյուղն ու հողը: «Հենց այդ պատճառով էլ Ղարաբաղ՝ իր հայրական տուն վերադարձանք: Նրա բոլոր բարեկամները Արդրեջանից Ռուսաստանի տարբեր քաղաքներ տեղափոխվեցին, եւ նրանց՝ Ռուսաստան տեղափոխվելու հորդորներին նա պատասխանում էր, որ հոր եւ մոր գերեզմանը, հայրական տունը չի թողնի նորից, օտար երկիր տեղափոխվի»,- պատմում է տիկին Ռայան:

Արմինե ՆԱՐԻՆՅԱՆ

Պետականակերտման տարիներ

/սկիզբը՝ նախորդ համարում/

Ճիշտ է, Լեռնային Ղարաբաղում Դաշնակցությունը չունեի իր լուրջ քաղաքական մրցակիցը, բայց 40.000-ից ավելի բնակչություն ունեցող Շուշիում, որից հարյուրի թիվը հասնում էր 22.000-ի, կային բազմաթիվ հայ մտավորականներ, որոնց մեծ մասը գաղափարական կապերով կապված էր այլ կուսակցությունների հետ: Կային Ռուսաստանի սոցիալ-դեմոկրատական կուսակցության մենչեիկյան եւ բոլշեիկյան թեւերին հարողներ, կային սոցիալիստ-հեղափոխականներ (Եսեններ), կադետներ եւ այլն: Հիշյալ կուսակցությունների ներկայացուցիչները եւս հետաքրքրված էին ազգի ճակատագրով, եւ նման գործիչների առկայության պարագայում, երբ երկրում օրեցօր լրջացող իրադրությունը թելադրում էր վարել շրջափառյալ ու հեռատես քաղաքականություն, այդ պայմաններում ժողովրդի կյանքի ու գույքի ապահովության պատասխանատվությունը չէր կարող իր ուսերին վերցնել թեկուզ ժողովրդի ընդհանուր վստահությունը վայելող մի կուսակցություն՝ իր համեմատաբար փոքրաթիվ գործիչներով: Սեփական ժողովրդի շահերը, ազգամիջյան համերաշխության պահպանման անհրաժեշտությունը պահանջում էր ընդհանուր գործի շուրջ համախմբել հասարակության բոլոր ակտիվ ու գործուն ուժերը՝ անկախ նրանց քաղաքական հայացքներից: Քաղաքական լուրջ անհրաժեշտություն էր նաեւ, որ Ղարաբաղի հայության կառավարող օրգանն իր կազմով լիներ այնպիսին, որ կարողանար հավատ եւ վստահություն ներշնչել նաեւ հարեւան մուսուլմանությանը: Այս տեսակետն ընդունվեց Դաշնակցության Արցախի Կենտրոնական կոմիտեի անդամների շրջանում, եւ հող նախապատրաստվեց Լեռնային Ղարաբաղի ժամանակավոր կուսիցիոն կառավարություն ստեղծելու համար: Կարճատեւ նախապատրաստական

աշխատանքներից հետո հրավիրվեց խորհրդակցություն, որին մասնակցում էին Շուշիի քաղաքական կազմակերպությունների ներկայացուցիչները, բացի կադետներից: Որոշվեց ստեղծել միասնական իշխանական մարմին, որի կազմման համար ընդունվեց կուսակցությունների մասնակցության համամասնական սկզբունքը: Մինչ այդ տեղի ունեցած քաղաքային ինքնավարության ընտրությունները ցույց տվեցին, որ Դաշնակցությունն իրոք խոր արմատներ էր ձգել ժողովրդի մեջ: Դաշնակցությունը պիտի տար 5, իսկ մնացած կուսակցությունները՝ 3-ական անդամներ: Փոխադարձ համաձայնությամբ ընտրվեցին դաշնակցականներ Հայրապետ Մուսայեյանը, Անուշավան Մելիքյանը, Եղիշե Իշխանյանը, Հարություն Թումյանը, Ասծատուր Ավետիսյանը, մենչեիկներ Աշոտ Մելիք-Յուզեֆյանը, Լեւոն Վարդապետյանը, Նիկոլայ Իսախանյանը, Եսեններ Զոհիսիմե Մելիք-Յուզեֆյանը, Արամ Միքայելյանը, Ալեքսանդր Մելքումյանը, բոլշեիկներ Ալեքսանդր Ծատուրյանը, Արմենակ Ղարաբաղյանը եւ Մելիքսեթ Եսայանը: Արցախի կառավարման այս մարմինը կոչվեց «Հայ հեղափոխական կուսակցությունների եւ կազմակերպությունների ժամանակավոր խորհուրդ», որը սկզբում բաղկացած էր 14 հոգուց, բայց մի 2 օրից բոլշեիկ անդամները ինչ-ինչ պատճառներով հրաժարվեցին մասնակցել: Այդպիսով, խորհրդի մեջ մնացին մյուս 3 կուսակցությունների ներկայացուցիչները՝ թվով 11 հոգի: Խորհրդի նախագահ ընտրվեց Հայրապետ Մուսայեյանը, քարտուղար՝ Նիկոլայ Իսախանյանը: Ստեղծված խորհուրդը հետագայում սկսեց կոչվել Միջկուսակցական բյուրո եւ այդ անունով էլ հայտնի դարձավ Ղարաբաղում:

Ղարաբաղում գլուխ էր բարձրացրել անարխիան, տեղական իշխանությունները

ը կորցրել էին իրենց հեղինակությունը: Այս պատճառներով որոշվեց հրավիրել ազգամիջյան մարմին՝ բաղկացած 13 անդամներից՝ 6 հայ, 6 թուրք եւ 1 չեզոք անձ, որը եւ պիտի լիներ կոմիտեի նախագահը: Կողմերի համաձայնությամբ՝ նախագահ ընտրվեց ազգությամբ վրացի, Շուշիի նախկին հաշտարար դատավոր Իոսիֆ Կոբեիլը: Սակայն այս մարմինը երկար կյանք չունեցավ եւ 1918թ. ապրիլին դադարեցրեց իր գործունեությունը:

Միջկուսակցական բյուրոյի առաջնահերթ խնդիրն էր վերջ դնել քաղաքում եւ շրջաններում տիրող անիշխանական վիճակին, պաշտպանել հայ եւ թուրք ժողովուրդների համերաշխությունը:

Ինչպես նշում է դեպքերի ժամանակակից Եղիշե Իշխանյանը, Միջկուսակցական բյուրոյի գործունեության ընթացքում մենչեիկների կողմից առաջարկ եղավ, որ Դաշնակցությունը մեն-մենակ ստանձնի Ղարաբաղի հայության ղեկավարությունը, իսկ իրենք ենթակա լինեն կուսակցության կարգադրություններին, ինչպես շարքային դաշնակցականները: Մենչեիկներն այդ առաջարկն արել էին Սահմանադիր ժողովի եւ Շուշիի քաղաքային ինքնավարության ընտրություններին Դաշնակցությանը տրված ջվեները հաշվի առնելով (85%-ից ավելին), սակայն ՀՀԴ-ն, հավատարիմ մնալով միջկուսակցական խորհրդակցական ժողովում կայացած համաձայնությանը, մերժեց այդ առաջարկը եւ գիտակցաբար չցանկացավ մենատիրություն անել:

Հետագայում «Միջկուսակցական բյուրոն» վերանվանվեց «Կոմիտարների խորհուրդ», որը շարունակեց իր գործունեությունը մինչեւ արցախահայության առաջին համագումարը, որը տեղի ունեցավ 1918թ. հունիսի 22-26-ը: «Հայ հեղափոխական կուսակցությունների եւ կազմակերպությունների կոմիտարների խոր-

հուրդ»-ի 8 անդամներից 4-ը դաշնակցականներ էին (Հայրապետ Մուսայեյան, Հարություն Թումյան, Ասծատուր Ավետիսյան, Արտուր Դեմիրճյան), 2-ը մենչեիկ (Արսեն Բակուլեց, Աշոտ Մելիք-Յուզեֆյան), 2-ը սոցիալիստ-հեղափոխական (Արամ Միքայելյան, Ռուբեն Տեր-Պասպարյան):

Փաստորեն, Լեռնային Ղարաբաղում ստեղծվեց կոալիցիոն կառավարություն, որը նպատակային քաղաքականություն սկսեց վարել երկրի տնտեսական, քաղաքական, ինքնապաշտպանական, սոցիալական հարցերի լուծման ուղղությամբ:

Այսպիսով, Արցախում նշված ժամանակաշրջանում քաղաքական հիմնական շարժիչ ուժը հանդիսանում էր ՀՀ Դաշնակցությունը: Մյուս՝ քիչ թե շատ ազդեցիկ քաղաքական ուժը բոլշեիկյան կուսակցությունն էր, սակայն այն միայն մասամբ կարելի էր հայկական համարել, քանի որ այն ռուսական համանուն կուսակցության հայկական հատվածն էր եւ ոգեւորված էր համաշխարհային հեղափոխության գաղափարներով: Ռամկավարները, սոցիալ-դեմոկրատները եւ հարակից տարբեր կուսակցությունները գոյություն ունեին անհատապես եւ լուրջ քաղաքական հոսանքներ չէին կարող համարվել: Ուրեմն, Դաշնակցությունը մնում էր միակ քաղաքական ուժը, որ կենդանի էր պահում Ազատ, Անկախ եւ Միացյալ Հայաստանի նշանախոսքը: Արցախում նշված ժամանակաշրջանում միակ գերիշխող քաղաքական ուժը Դաշնակցությունն էր, բայց, չնայած այդ հանգամանքին, ոչ մի դեպքում մենակ չէր գործում եւ դեմ էր միահեծանությանը:

ՀՀ Արցախի կառույցը, իր շուրջը համախմբելով հասարակության լայն շերտերին, Լեռնային Ղարաբաղում նորից վերակերտեց հայոց պետականությունը:

Տարեիկ ԱՐԱՋԱՆՅԱՆ

Մտորումներ կյանքի եւ թատրոնի մասին երիտասարդ ռեժիսորի հետ



Արցախյան թատրոնի մասին սիրում են ավելի շատ խոսել միջին կամ միջինից բարձր տարիքի մարդիկ. նրանք, ովքեր ականատես են եղել թատրոնի վերելքին՝ հրաշալի բեմադրությունների, ժողովրդի կողմից մեծարման, իշխանությունների կողմից առավել ուշադրության կենտրոնում գտնվելուն: Խորհրդային տարիների արցախյան թատրոնի վերելքին հաջորդեցին Արցախյան գոյամարտի տարիները, որի ժամանակ ռեժիսորները շարունակում էին թափվող արկերի տակ բեմադրություններ դնել, դերասաններն էլ իրենց բացառիկ խաղով՝ գոնե հաշված րոպեներով փոքրինչ կտրել հանդիսատեսին դաժան իրականությունից՝ տանելով նրան մեկ այլ, միզուցե ավելի լավ աշխարհ:

Այսօր Ստեփանակերտի «Վահրամ Փափազյանի անվան պետական դրամատիկական թատրոն»-ը վերանորոգման խիստ կարիք ունի: Չնայած այն հանգամանքին, որ շենքում ներկայացումներ չեն բեմադրվում, թատրոնը շարունակում է գործել՝ ներկայացումներով հանդես գալով Ստեփանակերտի այլ, շատ հաճախ դերասանների համար ոչ հարմար բեմերում:

Ստեփանակերտի «Վահրամ Փափազյանի անվան պետական դրամատիկական թատրոն»-ից բացի Արցախում գործում են համեմատաբար ավելի երիտասարդ թատրոններ եւ թատերական խմբեր, որոնք իրենց գործունեության կարճ ժամանակահատվածում կարողացել են իրենց ասելիքը ներկայացնել եւ սիրելի դառնալ հանդիսատեսին:

Երիտասարդ ռեժիսոր Վլադիմիր Գելորգյանը 4 տարեկանից բեմում է: Մոր՝ ռեժիսոր Լաուրա Յոզեֆյանի բեմադրած «Տմբալախի հաջան»-ը նրա թատերական կյանքի սկիզբն էր: Դետագայում Տմբալախի հաջանին մարմնավորած պատանին դարձավ Երեւանի կինոյի եւ թատրոնի պետական ինստիտուտի դրամատիկական թատրոնի ռեժիսորական բաժնի ուսանող, իսկ ուսումնավարտելուց հետո՝ Շուշիի «ՆԱՄ» թատերական խմբակի ղեկավար: Արդեն 9 տարի է՝ ղեկավարում է Շուշիի «Նարեկացի» արվեստի միության թատերախումբը, անցած տարվանից նաեւ «Մկրտիչ Խանդավազյանի անվան պետական թատրոն»-ի ռեժիսորն է: Նրան ճանաչողները գիտեն՝ միայն թատրոնը չէ նրան գրավում: Երաժշտության, լուսանկարչության եւ բազում այլ բնագավառներում նա իր փորձերն է կատարել,

եւ չի բացառում, որ կարող է վերադառնալ այդ բնագավառներ, կամ էլ՝ այլ ոլորտներում իրեն փորձել:

Խոսելով Շուշիի «Նարեկացի» արվեստի միության թատերախմբի մասին՝ երիտասարդ ռեժիսորը նշեց, որ սկզբից փոքր էտյուդներ էին բեմադրում, այնուհետեւ՝ մեծ ներկայացումներ: Թատերախումբը կազմված է 4-13 տարեկան պատանիներից, որոնք, բացի մանկական ներկայացումներից, շատ հաճախ խաղում են ավելի լուրջ ներկայացումներ:

Ամեն ներկայացման մեջ տարբեր թվով երեխաներ են ընդգրկվում, նոր կերպարների համար հաճախ նոր դերասաններ են ներառվում, սակայն կա թատերական խմբի կորիզ, որը գրեթե անփոփոխ է լինում:

Շուշիի «Նարեկացի» արվեստի միության թատերական խումբը բազմիցս մասնակցել է փառատոների ինչպես հանրապետությունում, այնպես էլ հանրապետությունից դուրս՝ գրավելով պատվավոր տեղեր: Վլադիմիր Գելորգյանի կողմից բեմադրած «Սիրաշեն եւ Ոսկեշեն» ներկայացումը Արցախի ինքնազոր խմբերի հանրապետական ստուգատեսում առաջին տեղ է զբաղեցրել, իսկ «Ազգային թատերական ստեղծագործական միավորում փառատոնի» կողմից արժանացել է երկրորդ մրցանակի, որը հանձնվել է գումարի տեսքով՝ օգնելով նոր ներկայացումներ բեմադրել:



լու գործին: Թատերախումբը բազմիցս մասնակցել է «Նռան հատիկ» փառատոնին՝ զբաղեցնելով պատվավոր տեղեր:

Վլադիմիր Գելորգյանի խոսքերով՝ հաճախ երեխայի միջոցով է հաջողվում մեծերին հասցնել կյանքի որոշ ճշմարտություններ:

«Մեր հանդիսատեսը տարիքային սահմանափակումներ չունի: Մեր թատերախմբի դերասանները չնայած պատանիներ են, սակայն հանդիսատեսը կարող է լինել ցանկացած տարիքի մարդ: «Սիրաշեն եւ Ոսկեշեն» ներկայացումը հենց այն ներկայացումներից է, որը վերաբերում է բոլորին՝ մեծից փոքր, հարուստից աղքատ»,- ասում է:

Ներկայացումը հարուստի եւ աղքատի, բարու եւ չարի համեմատություն է, որի ողջ ընթացքում յուրահատուկ գուգահեռներ է անցկացվում մարդկային կարեւորագույն արժեքների, մարդկանց բարի եւ չար արարքների, նյութական եւ հոգեւոր արժեքների, գթասրտության եւ անտարբերության միջեւ: Իսկ վերջում հայտնվում է Զրիստոսը, ով գալիս է իր դատաստանը տեսնելու:

«Չնայած մանկական ներկայացում է, սակայն մեծերն էլ էին սիրով գալիս: Մանկական է այն առումով, որ ճշմարտությունը ներկայացվում է երեխայի շուրթերով: Ներկայացումը ե՛լ հոգեւոր, ե՛ւ աշխարհիկ կարելի է համարել: Զրիստոսի գալուստն ու դատաստանը ներկայացման վերջում ցույց են տալիս, որ մարդը, միեւնոյն է, մի օր հատուցելու է իր կատարած բարու եւ չարի համար: Ներկայացման ամենակարեւոր ասելիքն էլ այն է, որ անտարբերությունը կարող է ծնել նոր, ավելի անդառնալի մեղքեր: Անհրաժեշտ է պարզապես գթասիրտ եւ հոգատար լինել քեզ շրջապատող ամեն ինչի նկատմամբ»,- բացատրում է ռեժիսորը:

Անցած տարվանից Վլադիմիր Գելորգյանը նաեւ Շուշիի «Մկրտիչ Խանդավազյանի անվան պետական թատրոն»-ի ռեժիսորն է:

Այսօր թատրոնն ունի ընդամենը 8 դերասան, ովքեր, ռեժիսորի խոսքերով, բավականին հմուտ են իրենց մասնագիտության մեջ, սակայն անհրաժեշտություն կա նաեւ նոր դերասանների:

«Լավ որակի եւ քանակի դերասանների անհրաժեշտություն կա: Այո՛, ես եմ ներկայացման սյուժետային գիծը տալու, սակայն ես չեմ այնտեղ տնօրենը: Ես էլ եմ դերասաններից շատ բան սովորում: Եթե դերասանը լավն է լինում, նա գույներ է հաղորդում ներկայացմանը»:

մասին: Այժմ ավելի առաջնային խնդիրներ կան՝ ապահովություն, անվտանգություն: Ես դրա համար ոչ մեկին չեմ մեղադրում: Այսօր կյանքի եւ մահվան հարց կա»:

Վլադիմիրի հաջողված բեմադրություններից է Չեխովի «Առաջարկություն»-ը, որը եւս լայն արձագանք է գտել եւ սիրվել հանդիսատեսի կողմից:

«Առաջարկություն» բեմադրության համար «Արտավազը» ամենամյա թատրոնի մրցանակաբաշխությանը, որպես երիտասարդ ռեժիսոր, նա արժանացել է պատվոգրի:

«Երբ պատվոգրը ստանալու համար ինձ բեմ հրավիրեցին, պլանավորել էի խոսել Շուշիի թատրոնի մասին՝ ինչ առաջնադասումներ կան, ինչ անհրաժեշտություն կա, ինչ ծրագրեր ունենք, սակայն երբ բեմ բարձրացա, ինձնից անկախ երեք ևախաղասություն ասացի՝ շնորհավորում եմ բոլորին, շնորհակալություն եմ հայտնում, եւ թող պատերազմ չլինի, որ մենք էլ կարողանանք ստեղծագործել: Երեք օր հետո սկսվեցին ապրիլյան դեպքերը...»:

Մի պահ լռություն է տիրում, այնուհետեւ խախտում եմ լռությունը՝ հարցնելով, թե հնարավոր է մի օր ներկայացնել թատրոնի բեմին հենց ապրիլյան օրերի մասին պատմող որեւէ դրված: Պատասխանում է. «Ապրիլից հետո ստեղծագործելը դժվարացել է. ուզում ես այնպիսի թեմա ընտրել ներկայացման համար, որ սրտիդ հոգեհարազատ ու համահունչ լինի, միաժամանակ՝ համահունչ նաեւ այսօրվա մեր իրականությանը: Իսկ ինչ վերաբերում է այդ դեպքերը կամ դրվագները բեմադրելուն, ապա այժմ՝ միանշանակ ոչ: Այնտեղ ինչ-որ տեսա, մեջք ոչ մի լիրիկա չկար... Սովորաբար, միշտ դիտում ես պատերազմական ֆիլմեր, կարդում ես գրքեր, որոնց մեջ լիրիկա կա, բայց ես այնտեղ լիրիկա չտեսա: Մահվան մեջ ոչ մի լիրիկա չկա, դաժանության մեջ լիրիկա չկա: Միզուցե ինձ մոտ դեռ թարմ է ամեն ինչ եւ որոշ ժամանակ անց այլ կերպ կընդունեմ դա: Գիտե՞ք՝ ամեն բան սովորեցնում է կյանքը: Դիմա ձեզ հետ խոսում եմ, մի բան սովորում եմ, միզուցե դուք էլ մի բան ինձնից եք սովորում: Պատերազմն էլ գո՛ւցե սովորեցնում է: Գո՛ւցե ամրապնդում է մեջք այստեղ մնալու ցանկությունը: Գո՛ւցե ինձ ավելի հայ է դարձնում, ով իրեն իր հողում է տանը զգում...»:

Նորից դադար: Ավամայից հիշում է Շուշիի տղաներին՝ Ընկածներին, նրանց, ում հետ միասին էր այդ օրերին, ում մահը, թերեւս, մինչեւ հիմա չի ընդունել:

Այդ պահին կարծես ճիշտ ժամանակին մեկը գալիս է եւ, խախտելով լռությունը, հարցնում է՝ թատերական խմբակ ընդունվելու համար թղթերս որտե՞ղ պիտի հանձնեմ: Ռեժիսորը ցույց է տալիս տեղը եւ փոխելով թեման՝ շարունակում. «Չարմանալի երեւոյթ է՝ այս տարի շատերն են ցանկանում թատերական խմբակ հաճախել: Մի քանի տարի առաջ շատերին համոզելով էինք բերում»: Այնուհետեւ ավելացնում է. «Պետք է խոստովանեմ, որ երեխաների հետ այնքան էլ հեշտ չէ աշխատելը, սակայն արդյունքը երբ տեսնում եմ, մոռանում եմ դժվարությունների մասին»:

Արմինե ՆԱՐԻՆՅԱՆ

Գյուղական պատկերներ հեռու-մոտիկ մարդկանց համար

Գյուղամիջի ճանապարհները խորհուրդ են, կիսաքանդ, բայց գյուղացիներն արդեն հարմարվել են, գիտեն՝ տարվա եղանակներին մեքենայով որ, իսկ ոտքով գյուղի որ մասով պետք է գնալ, գիտեն՝ որ մասն է, որ ոչ մի եղանակի գնալու չէ: Վա՛յ այն վարորդին, ով առաջին անգամ, այն էլ անձրեւների ժամանակ, հայտնվելով գյուղում՝ բախտի չբերմամբ կգնա սխալ ճանապարհով, այդ դեպքում... Այդ դեպքում՝ ոչինչ, սարսափելի չէ, օգնության կգան գյուղի տղամարդիկ եւ հնարավորիս կօգնեն տուժածին, «ցեպ» կկապեն, կծգեն ու կհանեն, վերջում էլ մի տղամարդ կավելացնի.

- Է՛, բա սա երկիր է, մեկը չկա՝ մտածի ես գյուղի մասին, ճանապարհ չինի... անտեր ենք, անտեր...
Մեկ ուրիշն էլ կասի.

- Յո՛ւն, էնքան մեծահարուստներ կան գյուղից, դրսերում հարստացել են, գյուղի մասին չեն էլ մտածում, է՛հ...
Գյուղի տղամարդիկ հիմնականում 40-50-ն անց են, իսկ շահեկները՝ կհարցնենք, կպատասխանեն.

- Տո շահե՛լ է մնացել, շահեկներից շատերը դասատուներ են, դե դպրոցն էլ աշակերտներ քիչ ունի, ես տարի էլ առաջին դասարան եկող չկա:

- Խեղճ դասատուներ, դրանց գործն էլ որ կրճատվեց՝ կթողնեն կգնան... կասի մյուսը:

Իսկ մեկ ուրիշը կողքից, մատը վերել տնկելով, կշեշտի.

- Բա որ իրենց երեխաները լինեն՝ կթողնե՛ն, որ անգործ կստանան...

Դպրոց տանող ճանապարհին մի քանի խոզ քանդում են չեղած ճանապարհը եւ հավետով խոխոսանում՝ ասես ասելով՝ աշխարհի դարձը վեջներս չէ, մենք մեր խոզոտ գործն ենք անում, մեկ է՝ մեզ խանգարող չի լինի...
Իրենց գործով զբաղված խոզերից քիչ այն կողմ մի տղամարդ մեքենայի մեջ հավի ճտեր է վաճառում: Մի քանի՝ միջին տարիքի կանայք հերթով կանգնել են, մի տարեց կին էլ կողքերին քթի տակ փսփսում է.

- Է՛, ձեզ կին ասողի ինչն են ասել, բա մի հավը ի՞նչ է, որ ալարում եք թուխս դնել, հալալ-գուլալ ճտեր ստանալ, թե չէ էդ «կարմիր արած» ճտերն ի՞նչ է, որ առնում եք: Յեշտ կողմը վերցրել եք: Ես կտեսնեմ ոնց եք պահելու էտ «գարադսկոյ» ճտերին. ամեն օր մեկը կսատկի...
- Ի՞նչ ես խոսում, բան ունես ասելու՝ բարձր ասա, կասի կանգնած հարսերից մեկը:

- Ոչ մի բան էլ չեմ ասում, ձեզ հետ խոսել կլինի՞...
Մինչեւ դպրոց հասնելը մի քանի թոնիր կա՝ տներին կից: Թոնիրների դռները փակ են, եւ երեւում է, որ երկար ժամանակ է՝ բացող չի եղել: Որտե՞ղ եք հացը թխում հարցնի՞՛նույն՝ քթի տակ փսփսացող տարեց կինը կպատասխանի.

- Ի՞նչ հաց թխել, ի՞նչ բան, գյուղի մեծ մասը «քաղաքի» հաց է գնում խանութից, մի մասն էլ «դուխոպկում» է թխում. քչերն են թոնիր վառում, եւ դռնադռները:

Դպրոցը փոքր է, բայց դպրոցի բակում երեւացող երեխաների թվից երեւում է, որ այն անգամ մեծ է այդքան քչաթիվ երեխաների համար: Դպրոցի մուտքին բարերարի անունն է, ազգանունը: Դե բարերարը դպրոցը սարքեց, հո մեկ էլ չի՞՛ ստեղծել մտածի, թե ինչ անի, որ երեխաները չգնան գյուղից, մնան, դպրոց հաճախեն. դա էլ համապատասխան անձինք թող մտածեն...

Ուսուցիչները կբողոքեն.

- Դասագրքերը բարդ են կազմված, երեխաները դժվար են հասկանում:

Մի ուրիշն էլ՝ տարրական դասարանի դասվար, կասի.

- Մի երեխա է դասարանում, ամեն օր իրար երեսի նայում ենք ու ձանձրանում: Վերապատրաստման դասընթացների եմ գնացել ես տարի...
- Մի ժամանակ դպրոցը 150 աշակերտ ուներ, կողքի գյուղերից էլ էին գալիս: Յիմա, իրար գլխի տված, կողքի գյուղի հետ, 40 աշակերտ է՝ կշարունակի մյուս դասվարը:

- Էտ 40-ը դեռ լավ է, կողքի գյուղում սկի էտ էլ չկա:
Այդ պահին զանգը կհնչի եւ երեխաները կվազեն դասարաններ. կտիրի համակ լռություն եւ լռության մեջ, դպրոցի գանգի երկար լարից կախված կմնա մի հարց՝ իսկ ի՞նչ է լինելու մի քանի տարի հետո...

Դպրոցից քիչ այն կողմ փոքրիկ մթերային խանութը միակն է գյուղում: Մի կին կամաց կբացի խանութի դուռն ու ներս կմտնի՝ ձեռքերը գոգնոցի տակ դրած: Յետո կլսվի նրա ու խանութպանի խոսակցությունը.

- Էս անգամ էլ պիտի տաս, ուրիշ ձեռք չկա:
- Բա մարդդ փող չի՞ բերել, իրեն «Փլան» հարուստի ոչխարներն ու այծերն է պահում, պահակություն անում գիշերները:

- Բերել է, քեզ մատաղ, բայց դե երեխաս ուսանող է քաղաքում, գիտես, ուսման վարձն ու տան վարձն ենք ուղարկել:

- Է՛, էտ ի՞նչ է կարողում որ:
- Իրավաբանականի 3-րդ կուրսը ես տարի կավարտի:

- Յա՛, գյուղում լավ կդասավորվի՝ երեսի որպես գյուղապետարանի իրավաբան, չէ՞, քահ-քահ ծիծաղելով՝ գլուխը կտարուբերի խանութպանը:

- Այ մարդ, գալիս է գյուղ ի՞նչ անի, կատակներդ քեզ պահիր... Շուտ արա, լավ, 5 կիլոգրամ պետկ տուր՝ գնամ. բա բերքս փչանա՞, գոնե մուրաբա եփեմ:

Պատերազմի ելքը ուղիղ համեմատական է տնտեսությանը

Յայտությունն, արդեն երրորդ սերունդն է, որ ներքաշված է պատերազմի մեջ: 1991 թ. մայիսին «Օղակ» օպերացիայի հետեւանքով անհայտ կորել է հայրս, հարազատներիցս երկուսը զոհվել են 1992թ., եւ այսպես՝ ինձ նման շատերը:

Ինչ եմ ուզում ասել: Մենք դեռ երկար կմնանք պատերազմական գոտում, քանզի թշնամին չի ընդունում իր պարտությունը, չի հաշտվում Ղարաբաղը մեկընդմիջտ կորցնելու մտքի հետ: Ուրեմն՝ այս վիճակը դեռ երկար կշարունակվի:

Մենք սակավ հնարավորությունների տեր երկիր ենք: Ուստի, եղած՝ թե՛ մարդկային, թե՛ տնտեսական ռեսուրսները պիտի տեղին օգտագործենք: Պատերազմից հետո Յայաստանը իր ժողովրդին կերակրելու խնդիր ուներ, եւ սկսեցինք զբաղվել գյուղատնտեսությամբ: Բահ վերցրին գյուղացին, գիտությունների թեկնածուն, ինժեները, արվեստագետը, չգիտեմ՝ էլ ով... Որոշ գիտնականներ էլ տեսան, որ իրենց գիտական միտքը չի գնահատվում, ապրուստի միջոց չի դառնում, թողին-հեռացան երկրից: Ու այժմ ուրիշ երկրներ են գորացնում իրենց գիտելիքներով: Ցավվալի է, որ բարձր ինտելեկտի տեր հայն ստիպված էր ցածր աշխատանք անել: Զավ լիցի, ես չեմ թերագնահատում գյուղատնտեսության կարեւորությունը: Ավելին, շրջափակման մեջ գտնվող հայության համար հացի խնդիրը ռազմավարական նշանակություն ունի: Ու նաեւ արտահանման կարելու բաղադրիչ է գյուղատնտեսությունը: Բայց այդ մասին չէ խոսքս:

ՅՅ-ն Խորհրդային Միության ամենաինդուստրիալ հանրապետություններից էր՝ Մերձբալթիկայի երկրներից հետո: Ո՛ր մնաց այդ բարձր ինտելեկտը: Ինտելեկտի այդ նույն բարձր մակարդակն այսօր էլ պետք է ավելի, քան երբեք: Մենք պետք է գիտության այնպիսի ճյուղեր գարգացնենք, որոնք ե՛ւ տնտեսությունը կգարգացնեն, ե՛ւ փող կբերեն մեզ, ե՛ւ կօգնեն վերագինել մեր պաշտպանական համակարգը: Մեր ապագան այսպիսին պետք է լինի՝ քիչ ներդրումներով հասնել բարձր ցուցանիշների՝ օգտագործելով մեր մտավոր կարողությունները պահանջարկ վայելող ասպարեզներում, ճշգրիտ տեխնիկա արտադրելով, որն առաջ կտանի տնտեսությունը: Յայաստանը պիտի վերականգնի ինդուստրիալ երկրի նախկին փառքը:

Յենց այսօր մենք ունենք համակարգչային ծրագրավորողների մեծ բանակ, որոնք դրսի համար պատվերներ են կատարում: Ռոբոտաշինությունը պետք է կոնկրետ կիրարկում ունենա ռազմական արդյունաբերության մեջ:

Խորհրդային տարիներին Յայաստանը «Երազ» մակնիշի միկրոավտոբուսներ էր արտադրում: Ունեինք քիմիական, հաստոցաշինական արտադրություն երեւանում, Վանաձորում, տրիկոտաժի արտադրամասեր՝ Երեւանում, Գյումրիում, Գորիսում, կոշիկի հանրահայտ «Մասիս» ֆիրմա ունեինք: Ստեփանակերտում կոնդենսատորների գործարան կար, որտեղ աշխատում էր ավելի քան 1000 բանվոր: Գործարանը կոնդենսատորներ էր արտադրում ավիացիայի,

գունավոր հեռուստացույցների համար: Գործում էին հայտնի Ղարմետաքսկոմբինատը, էլեկտրատեխնիկական գործարանը, կոշիկի ֆաբրիկան եւ այլ արտադրական ձեռնարկություններ: Այդ ամենը պետք է աստիճանաբար վերականգնել ու դնել ժամանակակից ռեզերվի վրա:

Իսկ գյուղատնտեսությունն աշխատատար է, բայց քիչ եկամուտներ բերող: Թող դա էլ լինի, բայց հիմնական ժամանակակից պահանջարկ վայելող տեխնիկական արտադրամասերը վերագինելն ու ընդարձակելն է: Զանի որ աշխարհը դրա պահանջարկն ունի: Իսկ մենք ունենք այդ ամենն իրականացնելու կարողություն: Յարցը ճիշտ ռազմավարության մեջ է, լավ մարքեթինգի մեջ, այսինքն՝ շուկայի ներկա շրջանակներում տեղավորվելու մեջ:

Ռոբոտաշինությունը պետք է օգտագործվի ե՛ւ արդյունաբերության մեջ, ե՛ւ պաշտպանական նպատակներով, ե՛ւ, ինչու չէ, արտահանման նպատակով:

Ցանկալի է այսպիսին տեսնել ժամանակից Յայաստանը եւ ոչ թե կռացած մեջքով հողի հետ կռիվ տալիս, քանի որ պատերազմի ելքը վաղուց արդեն ժամանակակից զինտեխնիկան է որոշում՝ ոգուր բացի: Չինվորի գորավարժության աստիճանը, մարտունակության ժամանակակից մակարդակը, պատերազմ վարելու նոր մարտավարությունը: Իսկ պատերազմ վարելը ներդրումներ է պահանջում: Սա է մեր իրականությունը:

Յակամարտող կողմերի նախագահների վերջին հանդիպումները Վիեննայում,

- Է՛... Էս անգամ էլ տվի, բա հետո՞ է, ես պարտքերի ցուցակը ի՞նչ անեմ, այ տնաշեն...
Երեկոյան գյուղամիջում կհավաքվեն գյուղի եղած տղամարդիկ, նրանց հետ՝ մի քանի շահեկներ: Տարեցները կասեն.

- Գոնե գյուղում մի սորմալ տեղ լիներ, ես շահեկները հավաքվեի, մի խելքը գլխին բանով զբաղվեի: Մեր ժամանակ գյուղում գոնե ակումբ կար, ներկայացումներ էին լինում, թատրոն-համերգներ էին կազմակերպվում, դրսից մարդիկ էին հրավիրում...
Մեկ ուրիշն էլ թե.

- Ամառները գյուղը «դաչնիկներով» էր լցվում, շունը տիրոջից չէր ջոկվում: Յիմա չեն գալիս, բոլորի ոտքը գյուղից կտվել է:

- Յիմա ծով են գնում, ծո՛վ, պա՛հ-պա՛հ...
- Ա, մի ծովն ի՞նչ է, որ չունենք աշխարհի երեսին, կկատակի շահեկը:

- Գյուղ կա՞ սկի ջուր չունի, ժամով են բաց թողում, ո՛ր մնաց՝ ծո՛վ...
Արեւը կթեքվի դեպի մայրամուտ: Առաջվա պես հանդից տուն դարձող, սկիզբն ու վերջը չերեւացող ոչխարի հոտ չի երեւա: Գյուղում միայն մի քանի հոգի են ոչխար պահում... Ոչխարների բառաչի փոխարեն կտիրի դարձյալ նույնը՝ լռություն...

Թեքվող արեւի հետ օրը կմոտենա գիշերվան, որպեսզի հաջորդ առավոտ նորից արեւ լինի, նորից նոր օր բացվի, որ... Նորից այնտեղ՝ գյուղից հեռու, փողկապով տղամարդիկ բարձր ամբիոններից ասեն.

- Մեր երկրի ապագան սկսվում է գյուղից, զարգացած գյուղ՝ զարգացած երկիր...
Յ.Գ.- Յա, մոռացա. վերջում կհարցնեք՝

բա ո՞ր գյուղի մասին էր խոսքը: Ես չեմ պատասխանի, կթողնեմ, որ ամեն մեկն այն համեմատի իր գյուղի հետ, գուցե մի քանիսի մոտ ինչ-որ համընկնումներ կլինեն...

Յերմինե ՍՎԱԳՅԱՆ